

五



天津市圖書館
TIANJIN LIBRARY



温州市图书馆

WENZHOU LIBRARY

00570



温州市图书馆

WENZHOU LIBRARY

切韻子已卷第九



00250



温州市图书馆

WENZHOU LIBRARY

初學記卷第九

帝王部

摠叙帝王

叙事

皇者天人之摠美大之稱也易緯

曰帝者天號也德配天地不私公位稱之曰帝

天子者繼天治物改政一統各得其宜父天母

地以養人至尊之號也大君者君人之盛也呂

氏春秋曰帝者天下之所適王者天下之所往

也尚書緯曰帝者天號王者人稱天有五帝以

立名人有三王以正度天子爵稱也皇者煌煌



初學記卷第九

也洛書曰皇道缺故帝者興韓詩外傳曰君者羣也敢羣天下萬物而除其害者謂之君也

天皇項峻始學篇曰天地立有天皇十三頭號

曰天靈治萬八千歲

洞真記曰一姓十三人也徐整三五歷紀云歲起攝提元氣肇有神

靈一人有十二頭號天皇春秋緯云天皇地皇人皇兄弟九人分九州長天下也

遁甲開山圖曰

天皇被跡在桂州崑崙山下

地皇始學篇曰

地皇興於熊耳龍門山人皇始學篇曰人皇

九頭兄弟各三百歲依山川地之勢財度為九

州各居其一方因是而區別

榮氏云人皇兄弟九人
生於荆馬山身九色

有巢氏氏治學... 上古... 處有聖人... 故... 巢

有巢氏始學篇曰上古皆穴處有聖人教之巢

居號大巢氏

皇甫謐以為有巢在女媧之後

遁甲開山圖曰石樓

山在琅邪昔有巢氏治此山南

燧人氏尚書

大傳曰燧人為燧皇以火紀禮含文嘉曰燧人

始鑽木取火炮生為熟令人無腹疾遂天之意

故為燧人

太昊庖犧氏帝王世紀曰庖犧氏

風姓也蛇身人首有聖德燧人氏沒庖犧代之

繼天而王首德於木為百王先帝出於震未有

所因故位在東方主春象日之明是稱太昊都

陳制嫁娶之禮取犧牲以充庖厨故號庖犧氏是為犧皇後世音謬故或謂之伏犧或謂之密

犧

一解云處古伏字後誤以處為密故曰密犧

尚書序曰伏犧氏之王

天下也始畫八卦造書契以代結繩之政由是文籍生焉詩含神霧曰華胥履大人跡而生伏犧左傳曰伏犧氏以龍紀官帝女媧氏帝王世紀曰女媧氏亦風姓也承庖犧制度亦蛇身人首一號女希是為女皇

淮南子曰往古之時四極廢九州裂天不兼覆地不

周載女媧鍊五色石以補蒼天斷鼇足以立四極殺黑龍以濟冀川積蘆灰以止滔水

未有諸侯有

共工氏任知刑以強伯而不王以水承木非行
次故易不載及女媧氏沒次有大庭氏柏皇氏
中央氏栗陸氏驪連氏赫胥氏尊盧氏混沌氏
有巢氏朱襄氏葛天氏陰康氏無懷氏凡十五
世皆襲庖犧之號 炎帝神農氏帝王世紀曰
神農氏姜姓也母曰姪嬭有喬氏之女名女登
遊於華陽有神龍首感女登於尚羊生炎帝人
身牛首長於姜水有聖德以火承木位在南方
主夏故謂之炎帝都於陳在位百二十年而崩

至榆岡凡八世合五百三十年周書曰神農之
時天雨粟神農耕而種之作陶冶斤斧古史考
炎帝有火應故置官師皆以火為名陸景典語
曰神農嘗草別穀蒸民乃粒食黃帝有熊氏
帝王世紀曰黃帝少典之子姬姓也母曰附寶
見大電光繞北斗樞星照野感附寶而生黃帝
於壽丘龍顏有聖德受國於有熊居軒轅之丘
故因以為名得寶鼎興封禪有景雲之瑞故以
雲紀官為雲師以土德王在位百年而崩年百

雲紀官曰爲雲師以土德王在位百年而崩年百

一十歲或言壽三百歲故宰我疑以問孔子孔

子曰人賴其利百年而崩人畏其神百年而崩

人用其教百年而移故曰三百年史記曰黃帝

姓公孫氏生而神靈弱而能言代神農氏諸侯

有不從者從而征之未嘗寧居東至海登桓山

及岱宗西至崆峒登雞頭南至江登熊相北逐

獯粥合符金山而邑于涿鹿之阿遷徙無常行

以師兵爲營衛官名皆以雲采首山之銅鑄鼎

於荆山之上鼎旣成有龍垂胡鬚不迎黃帝黃

帝上騎羣臣後宮從上七十餘人乃上天餘
小臣不得上乃悉持龍髯拔墮帝之弓百姓
仰望帝既上天抱其弓與龍髯而號故後代因
名其處曰鼎湖其弓曰烏號 少昊金天氏帝
王世紀曰少昊帝名摯字青陽姬姓也母曰女
節黃帝時有大星如虹下流華渚女節意感而
生少昊是爲玄囂降居江水邑于窮桑以登帝
位都曲阜在位百年而崩古史考曰少昊以金
德王故號金天氏或曰宗師太皞之道故曰少

睥左傳曰其立也鳳鳥適至故紀於官爲鳥師
鳳鳥氏歷正也 帝顓頊高陽氏帝王世紀曰
顓頊黃帝之孫昌意之子姬姓也母曰景僕蜀
山氏女爲昌意正妃謂之女樞金天氏之末瑤
光之星貫月如虹感女樞幽房之宮生顓頊於
若水首戴干戈有聖德生十年而佐少昊十二
而冠二十登帝位以水承金位在北方主冬以
水事紀官始都窮桑後徙商丘在位七十八年
年九十八歲 帝嚳高辛氏帝王世紀曰帝嚳

姬姓也其母不覺生而神異自言其名曰爰齏

齒有聖德年十五而佐顓頊二十而登帝位都

亳以木承水在位七十年年一百五歲而崩陶弘

景云在位六十二年帝堯陶唐氏帝王世紀曰堯伊

祁姓也母曰慶都孕十四月而生堯於丹陵名

曰放勛鳥庭荷勝眉有八采豐下銳上或從母

姓伊祁氏年十五而佐帝摯受封於唐年二十

而登帝位以火承木都平陽景星耀於天甘露

降於地朱草生於郊鳳凰止於庭厨中自生肉

直... 加... 安... 形... 岳... 故... 則... 生... 風... 吏... 食... 物... 寒... 而... 不... 具...

脯其薄如髮形搖鼓則生風使食物寒而不臭
又有草夾階生隨月而生死名曰賞莢始堯在
位五十年登舜二十年始老使攝政二十八年
而崩即位九十八年年一百一十八歲 帝舜
有虞氏帝王世紀曰舜姚姓也其先出自顓頊
顓頊生窮蟬窮蟬有子曰敬康敬康生勾芒勾
芒有子曰橋牛橋牛生瞽瞍瞽瞍妻曰握登見
大虹意感而生舜於姚墟故姓姚氏字都君家
本冀州其母早死瞽瞍更娶生象傲而父頑母

嚚咸欲殺舜舜能和諧大杖則避小杖則受年
二十始以孝聞堯以二女娥皇女英妻之耕於
歷山之陽耕者讓畔漁於雷澤漁者讓淵陶於
河濱陶者器不窳堯於是乃命舜爲司徒太尉
試以五典舉八凱八元四惡除而天下咸服遂
納于大麓烈風雷雨弗迷堯乃命舜代已攝政
明年正月舜始受終文祖以太尉行事舜攝政
二十八年而堯崩三年喪畢舜年八十一以仲
冬甲子月次于畢始即真以土承火色尚黃以

父甲子月次子一畢始即真以十承火色尚黃以

正月元日格于文祖申命九官十二牧以禹為

司徒舜年八十一即真八十三而薦禹九十五

而使禹攝政攝政五年崩年百歲也尚書曰舜

生三十登庸三十在位五十載陟方乃死

孔安國注

通服堯喪三年其一共二十之數凡壽一百一十一歲伯禹帝夏后氏帝王世

紀曰禹姒姓也其先出顓頊顓頊生鯀堯封為

崇伯納有莘氏女曰志是為脩己見流星貫昴

又吞神珠意感而生禹於石紐名文命字高密

長於西羌西夷人也堯命以為司空繼鯀治水

十三年而洪水平堯美其績乃賜姓妣氏封為

夏伯故謂之伯禹及堯崩舜復命居故宮禹年

七十四舜始薦之于天薦後十二年舜老始使

禹代攝行天子事五年舜崩禹除舜喪明年始

即真以金承土都平陽或都安邑年百歲崩于

會稽始納塗山氏之女生子啓即位

皇甫謐云自禹至桀并數

有窮凡十九王合四百三十二年禹一啓二太康三仲康四相五羿六寒浞七少康八杼九槐十芒十一泄十二降十三局十四厘十五孔甲十六皇十七發十八桀十九

商殷氏帝王世紀曰殷出

自帝嚳子姓也主癸之妃曰扶都見白氣貫月

意惑以乙日生易名履字天乙是謂成湯帝

自帝學子姓也主祭之妃曰扶都見白石采賈月

意感以乙日生湯故名履字天乙是謂成湯帝

豐下銳上哲而有髯倨身而揚聲長九尺臂四

肘有聖德諸侯不義者湯從而征之將伐桀先

滅韋顧昆吾遂戰於鳴條之野桀奔于南巢之

山湯乃即天子之位以水承金始居亳為天子

十三年年百歲而崩湯娶有莘氏女為正妃生

太子丁外丙仲壬太子早卒外丙代立

皇甫謐云商之饗國

也三十一王是見居位者實三十一王而言三十一者兼數太子

丁也自湯得位至紂凡六百二十九年成湯一外丙二仲壬三
太甲四沃丁五大庚六小甲七雍巳八大戊九仲丁十外壬十
一河澶甲十二祖乙十三祖辛十四沃甲十五祖丁十六南庚

十七陽甲十八盤庚十九小辛二十小乙二十一武丁二十二祖庚二十三祖甲二十四廩辛二十五庚丁二十六武乙二十七太丁二十八帝乙二十九紂三十商書曰成湯既沒太甲元年孔安國注云太甲太丁子湯孫也太丁未立而卒及湯沒而太甲立稱元年謚法殘義損善曰紂敗於牧野懸首曰旗從黃帝至紂三十六世紂二年納妲己二十年囚文王三十年武王觀兵於孟津

周帝王世紀曰周姬姓也文王始脩政

三年而天下二分歸之入為紂三公年十五而生太子發文王九十七而崩太子發代立是為武王武王二年觀兵至孟津之上四年始伐殷為天子以木承水自豐徙都鎬武王崩年九十

三太子誦代立是為成王

皇甫謐云自剋殷至秦滅周之歲凡三十七王八百

六十七年武王一成王二康王三昭王四穆王五恭王十六懿王

三太子誦代立是為成王
周之歲凡二十七王八百

六十七年武王一成王二康王三昭王四穆王五恭王六懿王
七孝王八夷王九厲王十宣王十一幽王十二平王十三桓王
十四莊王十五釐王十六惠王十七襄王十八頃王十九匡王
二十定王二十一簡王二十二靈王二十三景王二十四悼王
二十五敬王二十六貞定王二十七元王二十八哀王二十九
思王三十考王三十一威烈王三十二元安王三十三夷烈王
三十四顯聖王三十五慎
靖王三十六赧王三十七

秦氏帝王世紀曰秦嬴

姓也昔伯翳為舜主畜多故賜姓嬴氏孝襄公
始修霸業壞井田開阡陌天子命為伯至昭襄
王自稱西帝攻周廢赧王取九鼎至莊襄王滅
東西周莊襄王崩政立為始皇帝并天下置三
十六郡自以水德故以十月為正色尚黑使蒙

恬築長城焚詩書百家之言坑儒士四百六十

人三十七年崩于沙丘平臺年五十皇甫謐云自昭襄王滅周

至子嬰凡四王一帝合四十九年昭襄王一孝文王二莊襄王

三始皇帝四胡亥五子嬰六又帝王世紀曰秦改鎬曰咸陽都

焉為漢驅除不求五運別以水德王秦自始封至滅三十六世

合六百五十年秦顯頊之後也先世造父之為穆王御有功封

之於趙城國為趙氏也初問子漢氏火德帝王世紀曰

同祖嬴姓也秦亦在木火之間

漢出自帝堯劉姓也豐公生執嘉即太上皇也

太上皇之妃曰媪是為昭靈后生子邦字季是

為漢高皇帝秦二世元年諸侯叛秦沛人共立

為沛公二年入武關至灞上秦王子嬰降項羽

自立為西楚霸王立沛公為漢王王也蜀漢元

為沛公一年入武明廟至灊上秦王子嬰又降項羽

自立為西楚霸王立沛公為漢王王巴蜀漢元

年還攻雍遂定三秦五年破楚王羽於垓下追

斬於東城天下始定春正月楚王韓信等請尊

為皇帝二月即位于定陶汜水之陽都長安十

二年崩于長樂宮年六十二初納呂公之女謂

之高皇后生太子盈代立

按前漢十二帝高祖一惠帝二高后三文帝四景帝

五武帝六昭帝七宣帝八元帝九成帝十哀帝十一平帝十二王莽立孺子嬰居攝二年篡位十五年更始立二年皇甫謐曰

自高祖元年至更始二年凡得二百三十年

後漢帝王世紀曰光武皇

帝出自景帝也名秀字文叔更始元年為偏將

軍破王邑殺王尋誅王郎更始二年立為蕭王

建武元年四月更始降赤眉六月光武即帝位

于常山鄙之陽千秋亭都洛陽在位三十三年

中元二年二月崩于洛陽南宮年六十三太子

莊代立是為孝明皇帝按後漢書十二帝光武一明帝二章帝三和帝四殤帝五安帝

六順帝七冲帝八質帝九桓帝十靈帝十一獻帝十二皇甫謐云自漢元至更始五年二百一十二年自居攝元年至更始二

年凡十八年自建武元年至延康元年凡一百九十五年凡漢前後并諸廢帝及王莽合三十一帝四百二十六年

魏氏德帝王世紀曰魏曹姓也武皇帝諱操字

孟德漢建安二十四年進爵為魏王改二十五

子血德漢建安二十四年進爵為魏王改一十五

年為延康元年春正月崩于洛陽年六十六太

子丕代立是為文皇帝其年冬十月受漢禪改

延康元年曰皇初都洛陽皇初七年崩年四十

皇甫謐云自皇初元年至禪晉之歲凡五帝四十五年文帝一

明帝二廢帝齊王三廢帝高貴鄉公四元帝五案魏文帝初立

號黃初元年黃初二年劉備於蜀稱帝號章武元年立三年而

崩年六十三子禪嗣位二主合四十三年為魏所滅黃初三年

孫權稱吳王於武昌號黃武元年後稱帝立二十一年而崩

年七十子亮嗣位自權至皓四主合五十九年為晉所滅也

晉氏金德晉書曰武皇帝諱炎字安世河內溫縣

人姓司馬氏太始元年升壇受禪禮畢即洛陽

宮追尊宣王為宣皇帝武帝祖景王為景皇帝武帝伯父

文王為文皇帝武帝 大熙元年崩年五十五位

十六年太子哀嗣是為惠帝案晉書自武帝至恭帝凡二十五帝合一百六十五年禪于宋也武帝一惠帝二懷帝三愍帝四

已上四朝都洛陽元帝五明帝六成帝七康帝八穆帝九哀帝十廢帝十一簡文帝十二孝武帝十三安帝十四恭帝十五

上東朝都建鄴今潤州江寧縣是也 **犧軒** 炎昊並見 九舜 十

堯 桓範要論曰責公者易雖一賢少謬執難者眾雖九舜猶亂韓子曰今夫堯舜生而在上位雖有十桀而不能亂者

則勢安也桀紂亦生而在上位雖有十堯舜而不能化之則勢亂也 **白帝** 玄王河圖曰白帝奉宣宋

均曰少昊氏也國語曰玄王勤商十有四葉而與賈逵注曰玄王謂契湯之祖契謂之玄王 **雲名** 火紀

左傳曰黃帝以雲紀故為雲師而雲名故曰炎帝以火紀故火師而火名 **大庭** 少昊譙周古史考曰

大庭氏姜姓以火德王故號曰炎帝皇 **六羽** 九翼春秋命歷

甫謚帝王世紀曰少昊帝名摯字青陽

人皇九頭駕六羽乘雲谷止水 余山 呂氏春秋曰

序曰人皇九頭駕六羽乘雲谷
口河圖曰天皇九翼是名旋復
若水 塗山 呂氏春秋曰
帝顓頊生自

若水宕處空桑乃登帝位蜀王本紀
曰禹母含珠孕禹圻瀾而生於塗山 生翼 在房 春秋合

赤帝之精生於翼下春秋元命苞曰姬昌蒼
帝之精位在房心宋均注曰蒼帝靈威仰 玄鳥 赤龍

烈女傳曰簡狄者帝嚳之少妃有娥之女浴於玄丘之水有玄
鳥銜卵而墜五色簡狄得而吞之遂生契詩含神靈曰慶都與

赤龍合婚生赤 夢日 感星 漢武帝故事曰王皇后內太
子宮得幸有娠夢日入其懷

尚書帝命驗曰姚氏繼華感樞江 繞星 貫月 詩含神靈
曰舜母感樞星之精而生舜重華 繞星 貫月 曰大電光

繞北斗樞星照郊野感附寶而生黃帝河圖曰瑤光
之星如虹貫月感女樞於幽房之宮生黑帝顓頊也 珠庭

玉理 洛書曰黑帝子湯長八尺一寸珠庭春秋命曆
序曰神農戴玉理宋均注曰玉理玉英玉勝也 四乳

八眉 春秋元命苞曰文王四乳是謂含良蓋法酒旗布恩
舒明宋均注曰酒者乳也能乳天下布恩之謂也尚

書大傳曰堯八眉
入眉者如八字
重瞳
齟齬
春秋元命苞曰舜重瞳子
是謂滋涼宋均注滋涼亦有

茲液之潤且清涼光明而多見又曰武王
龍顏
鳥喙
齟齬是謂剛強宋均注曰重齒以為表

元命苞曰黃帝龍顏尸子曰禹長頸鳥
喙面貌亦惡矣天下從而賢之者好學
聖王廣
視豐
春秋

圖曰蒼帝之為人望之廣視之專而長九尺
一才又曰赤帝之為人視之豐長八尺七寸
鱗身
牛首

王延壽魯靈光殿賦曰伏犧鱗身女媧蛇軀
皇甫謐帝王世紀
曰有嬌氏女名女登為少典如遊華陽有神龍首感女登生炎

帝人身
戴干
懷斗
春秋元命苞曰帝嚳戴于是謂清明
宋均注曰干盾也洛書曰有人出石

夷掘地代戴成鈴懷玉斗鄭玄注曰懷璇
昭華
延喜
尚書

大傳曰舜耕於歷山堯妻之以二女屬其九子也贈以昭華之
玉尚書璇璣珍曰禹授啓握玄圭山刻曰延喜之玉受德天賜

之
佩
握河
沉洛
皇甫謐帝王世紀曰堯舜諸侯羣臣沉璧
於洛河受圖書今尚書中候握河紀之篇

是也尚書中候曰朕率羣臣沉璧於洛河

是也尚書中候曰朕率羣臣沉璧於洛河

金牛 玉馬

孫氏瑞應圖曰金牛瑞器也王者上地開闢則金牛至又曰玉馬者瑞器也王者清明篤賢則至

温洛 榮

河

易乾鑿度曰帝盛德之應洛水先温九日乃寒五日變為五色尚書中候曰帝堯即政榮光出河

大君

元后

周易曰大君有命開國承家尚書曰可愛非君可畏非民衆非元后何戴

出震 開階

周易曰帝出乎震齊乎巽春秋孔演圖曰天子皆五帝之精寶各有題序以次運相據起必有神靈符紀使開階立遂

當

宁 置圖

禮記曰天子當衮而立諸侯比面而見天子曰觀天子當宁而立諸公東面諸侯西面曰朝春秋孔

演圖曰王者當置圖錄坐旁以自正也

按轡

垂拱

陸子曰三皇垂策五帝繫手唐虞按轡禹湯馳

轅雖使周公御衡仲尼促節固不已也應劭風俗通曰皇天不言四時行焉百物生焉三皇垂拱无為有似皇天故稱曰皇

時乘

或躍

周易曰時乘六龍以御天又曰九四或躍在淵

纂堯

授舜

漢書

高祖述曰皇矣漢祖纂堯之緒實天生德聰明
神武禮記曰堯授舜舜授禹湯放桀武王伐紂擊壤鼓腹

史曰堯時有老父者擊壤而嬉於路言曰我鑿井而飲耕田而
食帝力何有於我哉莊子曰赫胥氏時人居不知所為行不知

所之含哺而嬉鼓腹而遊垂衣卷領
易曰黃帝堯舜垂衣裳而治天
下蓋取諸乾坤淮南子曰古有

鑿頭而卷領以王天下注曰古者蓋三皇以前鑿頭者兜帽
言未知制冠卷領皮衣屈而袂之如今朝韋襲反攝以為領

居
擗飲
尸子曰人言居天下者瑤臺九累而堯白屋黼黻
九種而堯大布宮中三市而堯鶉居禮記曰塊桴

而土鼓汗樽而杯飲鄭
注汗樽杯飲以手掬之
寧領
晏子曰古者有紵衣
結繩
寧領而王天下者矣

莊子曰昔者容成氏大庭氏禎皇氏中
央氏當是時人結繩而用之以為政
垂筌
陸子曰三

皇垂筌而五帝擊手呂氏春秋
曰堯之官若委裘以言少事
槽巢
晏子曰古者
有處槽巢而

王天下者也禮記曰昔者先
王冬則居營窟夏則居槽巢
則地
揆天
黃石公三略曰
帝者躰天則地

有言有命而天下太平天子曰允曰
望玉雪記大戴禮曰宰

有言有令而天下太平文子曰就日望霓
大戴禮曰宰我請問帝堯

孔子曰放勳其仁如天其智如神就之如日望之如雲孟子曰湯一征自葛載天下信之人望之若大旱之望雲霓也

神 順命 七經義綱曰孔子曰天子之德感天地洞八方以

春秋元命苞曰天道煌煌非一帝之功王者赫赫非一家之常順命者存逆命者亡

天地之大德曰生聖人之大寶曰位何以守位曰仁何以聚人曰財司馬相如封禪書曰前聖之所以求保鴻名常為稱首者

也 明一 通二 管子曰明一者皇祭道者帝通德者王謀得兵勝者霸董子曰古之人造文字者三

畫而連其中者謂之王三畫者天地與人也連其中通其道也取其天地與人之才而三通之非三者其孰能若是乎

元 順紀 何休注公羊傳曰德合於元者稱皇 魏魏 翼

翼 論語曰巍巍乎舜禹之有天下而不與焉何晏注曰美舜禹已不與求天下而得之也巍巍者高大之貌毛詩曰維

此文王小心翼翼昭事上帝聿赫赫煌煌毛詩曰明明在下赫赫在

懷多福鄭箋云翼翼小心之貌上毛萇注曰文王之德明明於下故赫赫然著於天也漢書曰

孝成煌煌臨朝有光威儀之盛如珪如璋禮記曰天子穆穆諸侯皇皇易曰九五

德三統禮記曰天子穆穆諸侯皇皇易曰九五月令曰立春之日盛德在木其帝太皞夏日盛德

德在金其帝少昊冬日盛德在水其帝顓項漢書曰三統者天施地化人事之紀也步驟質文白虎

通曰三皇步五帝驟三王馳五霸大戴禮曰質文再而變正朔三而改二綱一統論語曰

殷禮所損益可知也注曰所因謂三綱五常也所損益謂文質三統也易乾鑿度曰天子者繼天理物致政一統各得其宜父

大母地以養青丘丹浦歸藏啓筮一曰蚩尤出自羊水入

黃帝殺之於青丘帝王世紀曰有苗處南蠻而不服堯征而克之于丹水之浦牧野阪泉尚書曰武

王戎車三百兩虎賁三千人與紂戰于牧野大戴禮曰軒轅與赤帝戰于阪泉之野軒營周陣

曰軒轅邑于涿鹿之阿遷徙无常行以師兵為營衛尚書曰武王伐殷一月戊午師渡孟津癸亥陳于商郊俟天休命鳳

墟 鮪水 韓子曰文王伐崇至黃鳳墟而襪繫解顧无左右令繫又王乃自結之皇甫謐帝王世紀曰武王四

年起師而東遂率戎車至鄴水甲子至于商郊舜戚 軒弧 皇甫謐帝王世紀曰有苗氏負固不服舜

乃脩文教三年執于戚而舞之有苗請服易曰神農氏沒黃帝堯舜氏作弦木為弧剡木為矢弧矢之利以威天下盖取諸絜

親耕 躬稼 呂氏春秋曰神農之教曰士有當年而不耕者則天下或受其寒矣故身親耕妻親

績論語曰禹稷躬稼而有天下 抵璧 藏金 張衡東京賦曰抵璧

於俗陸賈新語曰舜藏黃金 堯廚 舜甑 皇甫謐帝王世紀曰堯廚中自

於嶄崑之山以杜邪滯之欲 生肉脯其薄如髮形搯鼓則生風使食物寒而不臭名 枯柱 曰萋脯韓詩外傳曰昔舜甑盆无糴而工不以巧獲罪 枯柱

土階 周書曰文王在鄘召太子發曰吾括柱而茅茨為人愛費墨子曰堯堂高三尺土階三等茅茨不翦采椽

不**二八** **四七** 左傳曰舜臣堯舉八凱使王后土以揆百事莫不時序地平天成舉八元使布五教

于四方父義母慈兄友弟恭子孝內平外成史記曰儒生啗華自關中奉赤伏符來曰劉秀發兵捕不道四方雲集龍鬪野四

七之際火為主又張衡西京賦我光武忿之乃龍飛白水鳳翔參墟授鉞四七共工是除攬搶旬始羣兇靡餘 **捉髮**

吐哺 皇甫謐帝王世紀曰禹一沐三握髮一餐三起班叔茂王命論曰高祖信誠好謀達於聽受當食吐哺納

子房之策 **虞韶** 夏籥 論語曰子在齊聞韶三月不知肉味引矣國注韶舜樂名呂氏春秋曰禹立命

臯陶作夏籥九成以昭其功 **犧瑟** 媯笙 帝王世紀曰伏羲作瑟二十六絃長八尺一十禮記曰女

媯之 **漢筑** **虞琴** 史記曰高祖還歸過沛罷酒沛宮悉召故人父老子弟縱酒發沛中兒得百二

十人教之歌酒酣高祖擊筑自為歌詩 **經綸** **覆露** 周易禮記曰昔舜作五絃之琴以歌南風 曰雲

雷中君子以經綸淮南子曰帝者體太一者
紀綱八極經緯六合覆露昭導普施而无私
亭毒財成

老子曰亭之毒之盖之覆之王弼注曰亭謂品其形毒謂成其
質易曰天地交泰以財成天地之道輔相天地之宜以左右民

蔭越 推溝 淮南子曰武王蔭暵人於越下而天下懷之
感於恩也桓寬鹽鐵論曰禹稷白布衣思天

下有不得所者若 泣辜 扇暵 劉向說苑曰禹出見辜人
已推而納之溝中 問而泣之皇甫謐帝王世

紀曰武王自孟津還及于周 神輸 人贊 春秋元命苞曰
見暵人王自左擁而右扇之 王者往也神之

所輸向人所歸樂范曄後漢書光武贊曰 貢雉 獻葵 史
靈慶既啓人謀咸贊明明廟謨起趙雄斷

曰周成王時越裳貢白雉尚書曰 展義 觀風 左傳曰天
西旅獻葵注云西戎遠國貢大大 子非展義

不巡狩禮記曰命太 周轍 夏迹 左傳曰楚右尹子革曰
師陳詩以觀民風 昔穆王欲肆其心周行

天下將必有車轍馬迹祭公謀父作祈招之詩以止
王心是以獲沒於祈宮又曰茫茫禹迹畫為九州 舜旌

堯鼓

管子曰舜有告善之旌而主不蔽也禹立建鼓於朝而備訴訟鄧子曰堯置敢諫之鼓

夏磬

周鞀

劉向說苑曰鞀子曰禹之化天下也以五聲聽門懸磬鐘鐸以待四海之士呂氏春秋曰舜有誹謗之木湯有

司過之七武王有戒慎之鞀猶恐不知已過

獻櫻

薦黍

漢書曰惠帝嘗出遊離宮叔孫通曰古者

春嘗果方今櫻桃熟可獻願陛下出因取櫻桃獻宗廟上許之諸果獻由此興也禮記曰仲夏之月農乃登黍乃以雛嘗黍羞

以含桃先

足履已

手握襃

皇甫謐帝王世紀曰修比山行見流星貫昴

薦寢廟接意感生禹於石紐虎鼻大口足文履已孝經援神契曰舜龍顏大口手握襃宋均注曰握襃手中有襃字喻從勞苦受襃飾

致人作也

得玉曆

佩寶文

千寶搜神記曰虞舜耕於歷山得玉曆於河際之巖舜知

天命在已體道不倦河圖曰禹既治水功大天帝以寶文大字賜禹佩渡北海弱水之難

醴泉出

祥

風至

尚書中候曰帝堯即政七十載甘露聞澤醴泉出山榮光出河休氣四塞禮斗威儀曰人君政訟平即祥風至

玉龜識

石馬圖

瑞應圖曰玉龜者師曠時出河東之涯為聖圖出河負錄識書王隱

晉書曰懷帝永嘉元年有玉龜出灞水魏氏春秋曰明帝青龍一年張掖郡邯鄲縣金山玄川溢湧石馬負圖狀象靈龜立於

川有石馬七麟在東鳳在西

紀鳳鳥

無丹神魚

左傳曰少昊氏之立也鳳鳥適至故

紀於鳥孔安國注尚書曰雉曰鳳雌曰凰靈鳥也漢書宣帝時東浮大河祥魚舞於河

御一龍

駕

六鳳

括地圖曰禹誅防風夏德盛二龍降之禹使范氏御之以行春秋命歷序曰辰放大頭四乳在位二百五十年

離光次之號曰皇談銳頭日角駕六鳳凰出地衡在位二百五十歲

作舟車

為耒耨

班固東都賦曰作舟車造器械斯乃軒轅氏之所以開帝功也易曰庖犧氏沒神農氏作斲木為耒耨之利以教

天 下 建皇極

合天中

尚書洪範曰建用皇極孔安國注曰皇大也極中也凡立事當

用大中之道春秋運斗樞曰處犧女媧神農是三皇皇者中也弘也合天履中開陰布綱止合皇極其施光明煌煌盛美不可

勝量 含乾元 體太一 桓譚新論曰夫王道之主其德能

者法陰陽 法三才 咸一德 淮南子曰帝王者體太

尹躬暨湯 咸有一德 皇侔天 帝合地 春秋繁露曰德侔天地

紀曰功合神者稱皇德合 禹孜孜 湯栗栗 尚書曰

思曰孜孜孔安國注曰言已思日孜孜不怠奉成臣功而已又

日湯既黜夏命復歸于亳作湯誓曰栗栗危懼若將墮于深淵

推五勝 改三正 漢書曰秦兼天下未遑暇也亦願

以勝之大戴禮 禹菲食 湯布衣 孔子曰禹吾吾間

曰正朔三而改 堯羹藜 然矣菲飲食而致

舜飯糗 韓子曰堯之王天下糲粢之食藜藿之 魏虛座

吳書曰虞翻字仲翔著易其有大意魏文帝聞翻

漢側席

吳書曰虞翻字仲翔著易甚有大意魏文帝聞翻名為設虛座守之後漢書曰朕思望直士仄席異

聞歌龍鱗

歎鳳翼

傳玄樂府雜歌詩曰鳳有翼龍有鱗君不獨興必須良臣管子

曰桓公在灞管仲隰朋見忽有二鴻飛而過之公歎曰寡人有仲父猶飛鴻之有羽翼

得六相

有

五臣

管子曰昔黃帝得蚩尤明乎天道得太常察乎地利得青龍辨乎東方得祝融辨乎南方得大封辨乎西方得

后上辨乎北方黃帝得六相而天下化論語曰舜有臣五人而天下治孔安國注禹稷契皋繇伯益

有十亂

用三傑

武王曰予有亂臣十人亂理也理官者十人周公召公太公畢公榮公大顛閔天散宜生南宮

适其一人謂文母也漢書曰高帝云夫運籌於帷幄之中決勝千里之外吾不如子房鎮國家撫百姓給餉饋吾不如蕭何運百萬之衆戰必勝攻必取吾不如韓信三者皆人傑吾能用之此吾所以取天下也

拔芻牧

舉行

陣

漢書曰上方欲用文武求之如不及始以蒲輪迎枚生見主父而歎息羣士慕向異人並出卜式拔於芻牧弘羊擢

於賈豎班彪王命論曰舉韓信於行陣收陳平於亡命
英雄陳力羣策畢舉此高祖之大略所以成帝業也
呂氏春秋曰帝顓頊令飛龍作效八風之音

雲 和調露 命之曰承雲樂汁圖徵曰四時之節動靜各

有分職不得相越當以度行謂調 鳳集梧桐 龜出芝

露之樂注曰調露和致於甘露樂 韓詩外傳曰黃帝即位鳳乃止於帝東園集帝梧桐樹 東

池 食帝竹實浸身不去魏略曰魏文帝神龜出於靈芝池 子思子曰東戶季子之時道上鴈

戶鴈行 西鄰禴祭 行而不捨遺耕耨餘糧宿諸畝首

易曰東鄰殺牛不如西 烏江追項 赤壁破曹 史記曰項

鄰之禴祭實受其福 王至東城乃有二十八騎追者數千人欲東渡烏江亭長艤船

待謂項王曰江東雖小地方千里眾數十萬亦足王也願大王 急渡今獨臣有船漢軍至无以渡項王笑曰籍與江東子弟入

千渡江而西今无一人還縱江東父老憐而王我我何面目見 之縱彼不言籍獨不愧於心乎蜀志曰曹公南征劉表率將精

騎五千急追先主及於當陽之長坂先主走到夏口遣諸葛亮

自結於孫權與曹公戰於... 漢高是初尚

自結於孫權與曹公戰於赤壁大破之焚其舟舡
周武杖鉞、**漢高提劍**尚

曰武王與受職于牧野甲子昧爽王朝至于商郊左杖黃鉞右執白旄以麾史記曰高祖擊英布時為流矢所中病呂后迎良

醫醫入高祖嫚罵之曰吾以布衣提三尺劍取天下此非天命乃在天雖扁鵲何益
鴻門謝羽

滎水敗尋漢書曰羽至函谷關有兵守不得入聞沛公已屠咸陽羽大怒使當陽若英擊關羽遂入至戲

西鴻門明日沛公從百餘騎至鴻門謝羽自陳封秦府庫還軍灞上以待大王閉關以備他盜不敢背德後漢書曰王莽遣王

尋王邑將兵百萬圍昆陽光武乃與敢死者三千人衝其中堅遂殺王尋莽兵大敗走者相騰踐奔噓百餘里間會大雷風屋

瓦皆飛雨下如注滎水盛溢士卒爭赴溺者萬數水為之不流
周官棫樸、**殷相鹽梅**

毛詩曰棫樸文王能官人也芄芄棫樸薪之樵之毛萇注曰芄芄木盛也棫白椴也山木茂盛萬民得而薪之喻賢人衆多國

家得用蕃興也尚書曰高宗夢得說爰立作相王置諸其左右命之曰若金用汝作礪若濟巨川用汝作舟楫若作酒醴爾惟

麴藥若作和羹爾惟鹽梅

若歲大旱用汝作霖雨

葛天人闕

虞帝九成

春秋曰昔葛天氏之樂三人操牛尾投足以歌八闕高誘注曰

葛天氏古帝名也投足猶蹠足闕終也尚書曰簫韶九成鳳皇

來儀孔安國注曰韶舜樂名也

軒皇夔鼓

漢帝鸞旗

帝王世紀曰帝舜即有虞氏

皇甫謐帝王世紀曰黃帝於東海流波山得竒獸狀如牛蒼身

无角能走出入水則風雨光如日月其音如雷名曰夔黃帝殺

之以其皮為鼓聞五百里史記曰黃帝號軒轅氏漢書曰文帝

時有獻千里馬者詔曰鸞旗在前屬車在後吉日行五十里馬

獨欲馬往於是還

見窘蘭池

微行栢谷

史記曰始

馬與道里之費

行與武士四人俱夜出逢盜蘭池見窘武士擊殺盜漢武故

事曰上嘗輕服為微行至栢谷夜投亭長不納乃宿於逆旅出

軫吐珠

尚書帝命驗曰東南紛紛津精紀昌光出軫已圖

書考靈耀曰河圖子提期地留赤用藏龍吐珠鄭玄注曰河圖

劉氏而提起也珠寶物喻道也赤漢常用天之秘道故河龍

漢書王陵曰陛下慢而侮人項羽仁而愛

吐之侮人 樂沛 漢書王陵曰陛下慢而侮人項羽仁而愛

猶思 樂沛 降子嬰 封雍齒 史記曰漢元年十月沛公先諸侯至灞上秦王子嬰降

於軹道漢書曰高祖於未央宮望見諸將於沙中偶 貪財貨 語乃先封雍齒人人皆喜曰雍齒且侯吾等无患矣

起布衣 史記曰范增說項羽曰沛公居山東貪於財貨今 入關財物无所取其志不小急擊之勿失苟悅紀

曰高祖起於布衣 奮劍而取天下 總萬廷 旅五緯 河圖曰高皇攝 正總萬廷四海

歸詠理威明文德道化承天精西京賦曰 高祖之始入也五緯相叶以旅之于東井 隱芒澤 徭咸

陽 帝王世紀曰高祖為泗水亭長送徒驪山徒多道亡自度 比至皆失盡到豐西澤中止飲夜乃解縱所送徒高祖即

自疑亡匿於芒嶺山澤岩石之間史記曰高祖常徭咸 陽縱觀秦始皇帝喟然太息曰嗟乎大丈夫當如此也 朱鴈

白麟 漢書曰孝武皇帝行幸東海獲赤鴈作朱鴈之歌 又曰武帝行幸雍祠五時獲白麟乃作白麟之歌 芝

房 瓠子

漢書曰武帝元封二年詔曰甘泉之宮中產芝九莖連葉作芝房之歌又曰武帝東巡於海上四月

還祠泰山至瓠子臨決命從臣將軍以下皆負薪塞河隄作瓠子之歌

盛唐

蒿里

漢書曰元封五

年帝南巡至于盛唐又元狩五年禪蒿里注曰蒿里山名也

甲帳

交門

漢武帝起九間神屋以疏

璃珠玉明月夜光雜錯天下珍寶為甲帳其次為乙帳甲以居神乙以上自御之漢書曰元封四年幸不其祠神人于交門宮

若有嚮坐拜者

歷鳴澤

濟汾河

漢書曰武帝元封四年北出蕭關歷

鹿鳴澤漢武帝秋風詞曰泛樓船兮濟汾河橫中流兮揚素波簫鼓鳴兮發棹歌歡樂極兮哀情多少壯幾時兮奈老何

出

竹宮

生蘭殿

漢儀曰郊奉時皇帝平明出竹宮東向揖日其夕西向揖月漢武帝故事曰武

帝以乙酉年七月七日生於猗蘭殿

體亞聖

慮如神

張儼默記曰漢光武體亞聖之

才執文武畧聰明仁德膺時而出薛瑩漢記曰光武寬容博納計慮如神是以任光竇融望風附影也

仕金吾

後漢書曰光武陰皇后諱麗華南陽新野人也光

擊銅馬

後漢書曰光烈陰皇后諱麗華南陽新野人也光武適新野聞后美心悅之後至長安見執金吾車

騎甚盛因歎曰仕宦當作奴金吾娶妻當得陰麗華車觀漢記曰更始年立上為諸王擊銅馬大破之乃受降

殺王

尋擒張步

後漢書曰更始元年王莽遣王尋王邑將兵百餘人旌旗輜車千里不絕圍昆陽城數

十重光武乃與敢死者三千人從城西水上衝其中堅尋邑陣

亂遂殺王尋莽兵大潰張儉默記曰漢光武中興破赤眉擒張

步隗囂之徒羣凶

北部

西陵

魏志曰太祖武帝二十舉孝廉為郎除洛陽北部尉

夷滅華夏肅清魏武帝遺令曰吾婕妤妓人皆著銅雀臺於臺上施六尺牀總

帳朝脯上脯糗之屬月朝十五輒向帳作妓汝等時登銅雀臺

望吾西陵

墓田勿闕

擊蛟射雉

幼童傳曰太祖幼而智勇年十歲嘗浴於譙水有蛟來逼自水奮擊

蛟乃潛退於是畢浴而還弗之言也魏書

林梅

野葛

劉義

曰太祖於南皮一日射雉獲六十三頭也慶記魏武帝行兵夫道三軍皆渴帝曰前有大梅林結子甘酸

可以解渴士卒聞之口皆出水乘此得以及前源張華博物志

曰太祖晉噉野葛至一尺亦得少多飲鳩酒

入淮從陸道達徐州築東巡臺至廣陵故城臨江觀兵

擊于蔗魏文帝臨渦時序曰上建安十八年至譙余兄弟從

馬書鞭為臨渦賤魏文帝與論自叙曰余又學擊劍與平虜將軍劉勲奮威劉展等共飲酒宿間展有手臂能空手入白刃余

與論劍長久謂言將軍法非也余顧嘗好之又得善術因求余對時酒酣耳熱方食竿蔗便以為杖下殿數交三中其臂

卓寶鼎吳志曰初興平中吳中童謠云黃金車班蘭耳開

赤鳥十二年寶鼎都武昌遷建鄴吳志曰黃初二

郡都鄂改名武昌又曰黃武元年持鞍緩鞚受笏則迴

舟虞溥江表傳曰孫權征合肥為張遼所襲乘駭馬上津橋

卷九 孫權乘大船來觀軍曲日公使弓奴官劉發旋則著其

參魏畧曰孫權乘大船來觀軍曹公使弓弩亂發箭著其
船船偏重將覆權因迴船以輕面受箭箭均船平而去

大

口方願 長上短下

虞溥江表傳曰孫堅為下邳丞時
權生方願大口目有精光漢獻帝

春秋曰張遼問吳降人曰紫髯將

結吳

亂漢

蜀志曰先
主遣諸葛

亮自結於孫權華陽國志曰漢末雄傑並
起先主名微衆鮮建元胤漢與之鼎峙

棄妻子

失七

箸

蜀志曰曹公遣精騎追及先主於當陽之長坂先主棄妻
子與數十騎而走又曰曹公從容謂先主曰天下英雄唯

操與使君耳表本初之徒不
足數也先主方食失匕箸

翦芳蘭

乘羽葆

蜀志
曰先

主將誅張松諸葛亮請罪先主曰芳蘭當門不得不翦又曰先
主舍東面角有桑樹童童如小車盖先主少時與諸宗兒戲言

吾當乘此
羽葆盖車

有奇節

與大謀

干寶搜神曰高祖宣皇
帝少有奇節聰明多大

畧又曰宣帝遷太子中庶子每大
謀畫策多善由是為太子所信重

討公孫

迎魏帝

臧榮緒晉書曰遼東太守公孫文懿反詔宣帝討之發自京東

都過魏温詔郡守已下皆會幕次父老故舊燕飲累日王隱晉

書曰魏帝謁高平陵曹爽兄弟皆從高祖以爽執政不平廢之

起奏事永寧宮悉起營兵及城中餘眾承制發武庫仗開四門

出迎魏帝于洛

賓奏爽罪也

遷庶子

封舞陽

于寶晉記曰魏國既建高祖遷太子

中庶子與陳羣吳質朱鑠號曰四友又曰天子疾篤帝與曹真

陳羣等見於崇華殿之南堂並受顧命輔政詔太子曰有問此

三公者慎勿疑之明

帝即位改封舞陽侯

被南國

終北面

臧榮緒晉書曰

將獻捷交至乃申授前命曰躬懷甲冑龔行天罰掃平區域申

威吳會裨贊皇靈被于南國陸士衡晉書曰文帝勢崇於三分

而身終乎北面雖曰未暇工業已固矣

忠恕無過言 仁厚有智量 隱

減膳 燒裘

晉書曰武帝少厲高行造次於忠恕未嘗有過

言失色於人又曰武帝寬惠仁厚深密有智量

王隱晉書曰武帝大始七年三月詔太官減膳又曰有獻雉頭

裘者上曰異服奇裘典制所禁也其於前殿燒裘勅有異服者

依禮 魏禪 吳平 王隱晉書曰咸熙二年魏武禪位于
致罪 魏禪 吳平 臧榮緒晉書曰武帝問劉毅曰卿以

可方漢何帝也對曰可方桓靈帝曰吾德雖不及古人
猶克已為政又平吳會一同天下方之桓靈不亦甚乎 頌顏

師古聖德頌 緬尋遐代詳觀往冊五勝質文三正公革亂
率土黷焉已夕皇矣大聖誕受天符雲飛九域電擊八區共工

患整涿鹿妖除枝換漸撤攬捨靡餘建武戢刃偃伯鮮車蠲苛
削密求瘼恤隱琴瑟更張銜策俱盡滿堂已樂納隍猶軫翳矚

垂仁泣辜流憫吏勉端潔民歸原謹肅恭禮祀庶事上天永唯
孝享式備吉蠲外崇耆耄內睦親姻歲時縑繡春秋醴醴筑葵

是恤痾瘵斯達閭閻外戶馬牛內嚮畎畝相移康莊交讓勿用
枹鼓无虞亭障賚納斂人朔班狼望至誠感慶休氣致祥馴擾

一角棲集五草革平埏幹朱草曜芳良和畎畎多稔穰穰國儲
億庾家登萬箱旄彼髦彥仗任忠力光被心齊列居槐棘如砥

之乎如矢之直淑慎微務精明品式菁菁者莪芄芃芃彼域脩容
禮闈翱翔書圃談極五際翫慕三古杳眇義窟恢台學府儒墨

兼陳申韓迭去豈資伯亮寧勞封筆德音高朗絲言昭普黃竹

麗章柏梁清引沈鬱澹雅疏通敏迅抽演闕文網羅遺韻孰登
奧室罕窺墻仞妙心洞達神筆允從礫砢新勢奮發奇鋒珪履
鈎婉霧散煙濃竦同企鶴蔚若據龍豈唯於趙信乃過鍾道
文縱藝兼人術用而不知速而不疾至德无象微言罕述玉裕
桂宮金植蘭室禮極敬夢行歸忠一天下文明日月貞觀百神
受職三靈叶替泰階既平光華常煥超軒跨昊騰周軼漢萬壽
无疆永
延遐筭

李白藥皇德頌

臣聞聖人與天地合其德與日月合其明含吐陰陽之氣彈壓

山川之精叶吹萬以亭育總得一而為貞我所以誕膺明命大
保鴻名又曰惟皇唐之獨運冠風聲之往初練五氣於圓蓋張
四極於方輿定羣雄之逐鹿拯方割之為魚在炎靈之交喪屬
皇輿之敗德降薦瘡於上玄恣咆哮於中國无小无大圖帝圖
王匹夫匹婦為蝨為賊舉率土而咸棄雖同舟而作慝彼獨夫
之肆志何汨典而亂常固違道而滅德寔罔念而作狂始結怨
於庶黎終自絕於彼蒼八荒九有山潰川竭天軸且迴地維將
絕文章咸盪風雅咸缺在忠良而必焚罄冠冕而同裂或滔天
而嫁禍或觸山而作孽極殷區以陸沉盡漢塗而喋血天縱神
武景厲上皇自白水而龍躍肇參墟而鳳翔在中塗而聽誦將

武景屬上皇自白水而龍... 參墟... 鳳翔... 在中... 而... 朝將

再駕而剪商惟神幾之獨運乃撫翼而高懸命蒼兕而臨河曲
殺黑龍而濟與方指牧野而大誓師鳴條而侮亡又曰惟聖德
之懷遠敷彞論於絕漠在窮髮而畢冠伊左袵而俱削戎亭虛
警守大荒之外地險悉平夷中州之樂鞅鞅會而作貞極遐方
而歎琛薦環表而委質候風海而歸心周八荒而率俾重九譯
而相尋効俊猗於昧谷維神屏於鄧林應咸池而率舞遊上苑
而懷音竭寶用而咸競聲虛心而畢舉乍鳴觀閣時遊林蘄文
表仁義聲諧律呂下神雀於帝臺導甘泉於神渚龜書龍匣河
洛將遊東籛西鸞云亭載佇其餘藏山祕澤之珍撫實排虛之
侶俱叶契於圖牒差无得而稱序又曰昔天靈之八萬千歲姬
周三十六王盖曆數之少小曾不足以揄揚惟聖朝之期運符
上帝之會昌臣下拜而稽首獻福壽之无疆資十年與十曆共
地久而
天長
唐太宗頌
厥初造化人倫既興乃建君長司牧黎
烝肇自爰畫爰代結繩軒昊既謝唐虞
以升後伯德衰順時革命三季之末干戈是爭赫矣神武經期
作聖下括九圍上齊七政業統文武勳邁高光何險不濟何患
不攘士女胥悅筐厥玄黃斯物之至昭于我王我王覆育資生
懷造配堯登唐方周存錫翁受敷施明徵定保允迪厥德惟清

帝道帝道欽明天下和平三時不害百穀以成我庾斯積如砥

如京既審而教訟息刑清明天子令聞不已百姓為心萬方

在已家賴寬政朝稱多士齊一華戎混同書軌東池滇渤西苑

隅丘入壘職貢六狄懷柔至德潛洽玄化滂流日慎一日雖休

勿休先天不違靈物效質丹羽儀韶翠黃承鸞甘露草祥風

應律嘉禾醴泉比焉自出符瑞見兮煥圖書壇塲設兮望奎輿

至人忘已體冲虛凝神姑射厭宸居厭宸居叶冥契龍駕升兮

邈遐逝垂玄範兮光來裔與玄象兮長昭晰飛英聲兮越三代

永錫祚兮

無億載

秦原鹿喪沛澤蛇分又晉宣帝讚仲達猜忌狼顧為人稱

大風一起南面稱君又梁武帝讚緇惟梁武九五居尊何為

仗節蜀將貽巾委又梁武帝讚自屈沉冥釋門災興佛寺

質北而終為魏臣又梁武帝讚昔在上古惟德居位庖

兵纏帝閭竟罹又梁武帝讚儀作王世尚醇懿設卦

凶逼天道寧論又梁武帝讚悠悠皇犧躰寂神

分象開物紀類施又梁武帝讚澄无為而化出道

晉設網人用不匱又梁武帝讚

晉王彪之伏犧讚

神曲農居世三通變該極

之疑不知有之宜感自
興因應之跡畫象結繩
摯虞神農讚
神農居世通變該極
民衆猷黜乃教稼穡

聚貨文市草木播植
務濟其本不通其飾
晉曹毗黃帝讚
軒轅應玄期幼能
摠百神躰統五靈

妙氣含雲露津摻石曾城
天扉闢飄然跨騰鱗儀
摯虞黃帝讚
軒轅應玄期幼能
摠百神躰統五靈

讚
黃帝在位實號軒轅卓以行陸舟以濟川
弧矢之利弭難消患垂衣而治萬國又安
唐堯讚
帝

放勛欽明文思惟天為大惟
棄則之巍巍蕩蕩萬邦雍熙
夏禹讚
決隄疏河刊山敷土
四隩既宅彝倫攸叙

卑宮菲食
以寧區宇
殷湯讚
睿也惟商實惟成湯
三五迭興舍帝稱王
周文王讚
周

翼翼儀形躰教上帝是臨神明是勞東
鄰之昏西鄰之唯九有既集以聖易暴
周武王讚
於皇武
王天命

是鍾七德既耀莫不率
從奄清宇宙盪商之蹤
周宣王讚
宣王承衰邦家多阻懲
難思理官人以叙山甫

補闕方叔禦侮是
用中興恢復周宇
漢高祖讚
漢祖明達兼咨權武總御羣
雄剪翕強楚奄正華夏經畧

晉書卷之九
卷之九
卷之九

區宇遂登天 漢惠帝讚 孝惠內脩親親外禮宰相優寵齊
位續堯之緒 悼趙隱恩敬篤矣聞叔孫通之諫

則懼然納曹相國之對而心大悅可謂 漢文帝讚 漢之光
寬仁之主遭呂太后虧損至德悲夫 大實惟

孝文躡仁尚儉克已為君按轡細 述 漢書高祖述 皇矣
御抑尊成軍營兆南原陵不崇墳

纂堯之緒實天生德聰明神武秦人不綱網漏于楚爰茲發跡
斷蛇奮旅神母告符朱旗乃舉越蹈秦郊嬰來稽首革命創制

三章 文帝述 太祖穆穆允恭玄默化民以躬帥下以德 景
是紀 我教如風民應如草國富刑清登我漢道

帝述 孝景蒞政諸侯放命克伐七國王室以定 元帝述
非怠非荒務在農桑著於甲令民用寧康

孝元翼翼高明柔克尊禮故老優游亮直外割禁囿 成帝述
內損御服離宮不衛山陵不邑奄尹之訾穢我明德

孝成惶惶臨朝有光威儀之盛如珪如璋 平帝述 孝平不
壺闈恣趙朝政在王炎炎燎火亦允不揚 造新都

作宰不伊不 唐太宗晉武帝紀論 我皇承基誕
周喪我四海 膺天命握圖

御高敷化弘道是足以佚道代勞以治易亂絕繚綸之貢去雕琢

御寓敷化弘道足以佚道代勞以治易亂絕縑綸之貢去雕琢
之飾制奢俗以變儉約澆風而反淳雅好直言留心採擢劉毅
裴楷以質直見容嵇紹許高雖仇讎而不棄仁以御物寬而得
衆宏略大度有帝王之量焉于時民和俗靜察給民足聿脩武
用思啓封疆決神筭於深衷斷雄圖於議表馬隆西伐王濬南
征師不延時德虜削跡兵无血刃揚越為墟通近代之不通服
前王之不服禎祥顯應風教肅清天地之功成矣霸王之業大
矣雖登封之禮讓而不為驕秦之心因斯以起見土地之廣謂
萬葉而无虞覩天下之安謂十年而永治不知處廣以思狹則
廣可長存居治而忘危則治无常治加之建立非所委寄夫才
志欲就于升平行先迎於禍亂是猶將適越者指沙漠而遵途
欲登山者涉舟航而覓路所趣逾遠所向轉難南北倍殊高下
相反求其至也不亦難乎况以新習易動之基而无久安難拔
之慮故賈充凶豎懷奸志而擁權楊駿豺狼苞禍心以專輔及
乎宮車晚出諒闇未周藩翰變親以成疎連兵竟成於其本泉
梁廻忠而起偽擁衆各舉其威曾未數年綱紀大亂以至海內
版蕩宗廟播遷帝道王猷反居文身之俗神州赤縣翻成被髮
之鄉棄所大以資人掩其小而自託為天下笑其故何哉良由

失慎於前所以貽患於後且知子者怒父知臣者明君子不肖則家亡臣不忠則國亂亂國不可以安也亡家不可以全也是以君子防其始聖人閑其端而世祖惑荀勗之奸謀迷王暉之偽策心屢移於眾口事不定於已圖元海當除而不除卒令變亂區夏惠帝可廢而不廢終使傾覆洪基夫全一人者德之輕拯天下者功之重棄一子者忍之小安社稷者孝之大况平資二世而成業延三孽以喪之所謂取輕德而捨重功畏小忍而忘大孝聖賢之道豈若斯乎雖則善始於初而珎令終於末所以殷勤史策不能无慷慨焉

又隋高祖論

夫帝王受命非因衆人所舉既乘便之取不同優劣之勢

各異或雄圖內斷莫謀外决海納山容如覆如載磊磊落落真帝王者也只如文皇起自布衣臨馭四海歎孤兒以致天下奪寡婦而登神器復留心萬姓務從儉約自金陵滅後奢泰日滋起仁壽於五柝移新都於灞岸合浦珠璣其於帑藏江南嬖媛納於椒掖仁壽之役萬姓力殫雕琢之功小民竭產從渭至灞寧不為勞移故就新理多其弊心隨地廣立息逐時驕猜忌无端觸途多諱相母夷戮兒母被誅北雞晨鳴白玉枝斲絕廢長立少付託失人功臣良將誅夷備盡千年一个永豈非天平後

漢班叔皮王公即論 在土 日帝堯之禪曰次曰爾舜天之祿百數

漢班叔皮王命論

在土日帝堯之禪曰咨爾舜天之曆數在爾躬舜亦命禹暨于稷契咸佐唐

虞光濟四海奕世載德至于湯武而有天下雖其遭遇異時禪代不同至于應天順民其揆一焉是故劉氏承堯之祚氏族之世著于春秋唐據火德而漢紹之始起沛澤則神母夜號以彰赤帝之符由是言之帝王之祚必有明聖顯赫之德豐功厚利積累之業然後精誠通于神明流澤加於生民故能為鬼神所福饗天下所歸往未見運世无一个功德不紀而得徇然在此位者也世俗見高祖興於布衣不達其故以為適遭暴亂得奮其劔遊說之士至此天下逐鹿幸捷而得之不知神器有命不可智力求悲夫此世之多亂臣賊子者也若然者豈徒闇於天道哉又不覩於人事矣夫饑饉流隸饑寒道路思有短褐之襲擔石之蓄所願不過一金終於轉死溝壑何則貧窮亦有命也况天子之貴也四海之富神明之祚可得而妄處哉 巫曰

千寶晉武革命論

史臣曰帝王之興必俟天命苟有代謝非人事也文質異時興建不同故

古之有天下者柏皇栗陸以前為而不有應而不求執大象也鴻荒世及以一民也堯舜內禪躰文德也漢魏外禪順大名也

湯武革命應天人也高光爭伐定功也各因其運而得天下
隨時之義大矣哉占者敬其事則命以始也今帝王受命而用
其終豈人事乎 **又晉紀惣論** 史臣曰昔高祖宣皇帝以雄才
碩量應運而仕值魏太祖創基

之初籌畫軍國嘉謀屢中遂服輿軫驅馳三世性深奧有如城
府而能寬綽以容納行任數以御物而知人善采拔故賢愚咸
懷小大畢力爾乃取鄧艾於農隙引周秦於行役委以文武各
善其事故能西擒孟達東舉公孫淵內夷曹爽外襲王陵神略
獨斷征伐四克維御羣后大權在已屢拒諸葛亮節制之兵而
東支吳人輔車之勢軍旅屢動邊鄙无虜於是百姓與能大象
始構矣世宗承基太祖繼業玄豐亂內欽誣寇外潜謀雖密而
在機必兆淮浦再擾而許洛不震咸黜異圖用光前烈然後推
轂鍾鄧長驅庸蜀三關電掃劉禪入臣天符人事於是信矣始
當非常之禮終受備物之錫名器崇於周公權制嚴於伊尹至
於世祖遂享皇極正位居躰重言慎法仁以厚下儉以
足用和而不弛寬而能斷故民詠惟新四海悅勸矣

祭文

唐太宗祭魏太祖文

夫大德曰生資三儀以成化大寶
曰位應五運而通昌貴賤廢興莫

并天命故龍顏日角顯帝王之符電影虹光表乾坤之瑞不可

唐太宗示祭魏太祖文曰位應五運而通日貴威感與共

非天命故龍顏日角顯帝王之符電影虹光表乾坤之瑞不可
以智竟不可以力爭昔漢室豆分羣雄岳立夫民離政亂安之
者哲人德喪時危定之者賢輔伊尹之臣殷室王道昏而復明
霍光之佐漢朝皇綱否而還泰立忠履節爰在於斯帝以雄武
之姿當艱難之運棟梁之任同乎曩時匡正之功異于往代觀
沉溺而不拯視顛覆而不持垂徇國之情有无君之跡既而三
分肇慶黃星之應久彰主卜啓期真
人之運斯属其天意也豈人事乎
陳沈炯祭漢武帝

陵文

臣聞喬山雖掩鼎湖之靈可祠有魯遂荒大庭之跡不
泯伏惟陛下降德猗蘭纂靈豐谷漢道既登神仙可望

射之罘於海浦禮日觀而稱功橫中流於汾河指栢梁而高宴
何其甚樂豈不然歟既而運属上仙道窮晏駕用悞珠簾一朝
零落茂陵玉碗遂出人間陵雲故基與原田而撫撫別風餘跡
帶陵阜而茫茫羈旅纓臣豈不落淚昔者承明見罷嚴助東歸
駟馬可乘長卿西返恭聞故實竊有愚衷黍稷非馨敢望徽福
爵臺之心空愴魏君雍丘之祠未光夏后瞻仰微猷伏增悽懼

初學記卷第九

初學記卷第九

三

星加坡圖書館

初學記卷第十

中宮部

皇后二

妃嬪二

儲宮部

皇太子三

太子妃四

帝戚部

王五

公主六

駙馬七

皇后第一



白虎通云天子之配謂之后后者

君也天子之配至尊故謂后也案夏殷已前后

妃之制其文略矣大率皆稱妃故黃帝有四妃

帝嚳四妃

正嫡曰元妃已下稱次妃又有禹妃湯妃比且是也並見史記

周則天子

立后正嫡曰王后秦稱皇太后正嫡曰皇后漢因

之帝祖母稱太皇太后母稱皇太后魏晉之後

母后之號並遵秦漢其餘嬪御代有公華矣出漢

官及齊

職儀



璇宮

一玉堂

拾遺記曰帝少昊以金德王母曰星娥處璇宮三輔黃圖

有玉堂殿侯瑾述志

詩曰嫫母升玉堂

金屋

瑤齊

漢武帝故事曰帝為膠東王年數歲長公主指

問曰兒欲得婦不曰欲得此伯女阿嬌好不笑曰若得阿嬌當作金屋貯之張華晉武皇后去策文曰瑤齊无主長去丞嘗追懷

永悼率

椒房

蘭殿

班固西都賦曰後宮則掖庭椒房后妃之室漢官云皇后稱房詩云椒聊

之實蕃衍盈升國人美其繁以為興又以椒塗宮室亦取其温煖辟惡氣漢武帝故事曰五年景王后夢日入其懷以乙酉年七

月七日生武

玉階金部

一俟

玄墀彤庭

班固西都賦曰後宮則掖庭椒

帝於猗蘭殿

古詩曰妃之字人曰歡眉曰城安其於此帝寧守藏若椒風披香殿越蘭林蕙

房后妃之室人歡層城安處常寧藏若椒風披香發越蘭林蕙
草鴛鴦飛翔之列於是玄墀卸砌玉皆彤庭張衡西京賦曰後

宮則有金祀玉階彤庭
珠珥
金環
續漢書曰皇太后皇
后入太廟服紺上皇

下蚕青上縹下隱簪珥珥璫垂珠也俗說曰管哀
帝王皇后有紫磨金指環至小正可第五指著
褱衣
駝

馬
周禮內司服掌褱衣褱狄闕狄鞠衣展衣祿衣褱音火韋
友漢魏故事后親蚕禮皇后著十二笄步搖乘畫雲母安

車駕六駝馬
玳瑁簪
珊瑚玦
續漢書曰皇后太后
簪以玳瑁長一尺端

為花勝左右各一橫簪之西京雜記
七華扇
五色環

曰趙飛鸞為皇后女弟上珊瑚玦
西京雜記曰趙飛鸞為皇后其女弟昭儀上遺雲母五
明扇七華扇翟羽扇又曰趙皇后女弟上五色玉環
脂澤

田
湯沐邑
晉氏夢事曰安帝九年右丞張項等議瑯邪
及湖孰界有皇后脂澤田四十頃參詳以借

貧人漢舊儀曰皇后太后
各食三十縣曰湯沐邑
玉璽金鈕
金根玉輅
漢舊

儀曰皇后玉璽文與帝同皇后玉璽螭虎鈕黃巴與服志曰
太后太皇太后皇后法駕六御金根車玉輅輦已上皇后章服

流虹 **繞電** 河圖曰帝摯少昊氏母曰女節見火是如虹
下流華渚既而夢接意感生白帝朱宣帝王

世紀曰黃帝有熊氏少典之子母曰附寶見大電光
繞北斗樞星照郊野感而孕二十月生黃帝於壽丘 **玄雲入**

戶 **黃氣滿室** 易坤靈圖曰其母萌之玄雲入戶蛟龍守
門鄭玄注曰謂慶都天皇之女天帝以玄

雲覆衛王沈魏書曰卜皇后以漢延喜二年生齊郡白亭有
黃氣滿室移日父敬侯怪之以問卜者卜者曰此吉祥也 **方**

口美髮 **日角偃月** 東觀漢記曰明德馬皇后傳曰后
長七尺二寸青白色方口美髮又

順列梁皇后傳曰永建三年春三月丙申選入掖庭相工茅通
見之矍然驚駭却再拜賀曰此謂日角偃月相之極貴臣所未

嘗見 **鸞銜石字** **人覆玉衣** 西京雜記曰元后在家
嘗有白鸞銜白石墜台

也 績篁中后取之自剖為二其文曰母天地魏書曰文昭甄后以
漢光和五年十二月丁酉生每寢寐家中髮髯見如有人持玉

通鑑卷六十一 魏書曰古先哲王

衣覆其上父常怪之已上皇右奇相

周配

虞嬪

魏收後魏書曰古先哲王之德故二妃嬪媯虞道克昌任妙配周周室用光尚書曰有餘

在下曰虞外帝曰我其試哉女子時觀厥刑于二女釐降二女

干媯汭

夏

興媯

謝承三夫人箴曰降暨三代創業之君亦賴賢妃用佐厥勳塗山翼夏有

莘媯殷後漢皇甫規女師箴曰關雎首化萬國承流實有淑女允作好仇唐媛興媯文母盛周厥德不回弘濟天由

大

帝之女 倪天之妹

春秋合誠圖云堯母慶都盖大帝之女生於什維之野常在三河之

東南天大雷電有血流潤大石之中生慶都毛詩大明篇云大邦有子倪天之妹毛萇注云倪聲也盡也文王以太姒為賢問

名還卜之既吉盡禮尊敬之如天之有女弟倪口見反

思齊大任

思媚周姜

毛詩思齊篇云思齊大任文王之母思媚周姜京室之婦毛萇傳曰齊莊也媚愛也周姜太姜也常思莊敬太任乃為文王之

母又常思愛太姜之配太王之禮故能為京室之婦言其德行純備故生聖子也

織室

桑壇

東觀漢記曰明德馬皇后置織室於濯龍中數分絲
往來觀視之晉元康儀曰皇后採桑壇在蚕宮西南

獻繭 蔡邕月令章句曰季春之月后妃齋戒親東向躬桑蚕
事既畢分繭秤絲禮記曰孟夏之月蚕事既畢后妃獻

天子 **中饋** **內則** 易曰无攸遂在中饋女史箴曰施衿結
襜度恭中饋謂祭祀飲食之務禮記有

內則篇顏竣皇后廟登歌曰載我聖 **統六宮** **率八妾**
文奄有四海外刑家邦內貽女則

魏志曰文德郭皇后將登位中郎校裴潛上疏曰在昔帝王之
有天下不惟外輔亦有內助是以聖哲預立元妃必取光代名

族之家擇其令淑以統六宮東觀漢記曰永平三年有司奏請
明德馬皇后立長楸宮以率八妾上未有所言皇太后曰馬貴

人德冠後宮 **日之有月** **天之有地** 魏名臣奏曰臣
遂登至尊 聞帝之有后猶

日之有月也盧植奏事曰后妃者所以郊天祀地祇奉祖宗外
以肅恭明神內以帥正九嬪理陰陽者猶天之有地陽之有陰

已上皇 **羽日詩易** **好黃老** 續漢書曰明德馬皇后諫
后內職 易經詩論語略記大義漢

皇曰... 也... 老子之言... 母道... 德女

書曰寶皇后景帝母也好黃帝老子之言
景帝及諸寶不得不讀老子皆遵其術
脩母道 聽女

順 禮記曰后脩女順母道也鄭玄曰母者施陰教於婦也又
曰天子聽男教后聽女順天子治陽道后治陰德天子聽

外治后 衣不擇采 食不求甘
續漢書曰和壽鄧后
傳云宮省宴會諸貴

人競自脩飾極靡麗之服而后獨澹然衣不擇采裝不務飾東
觀漢記曰明德馬皇后傳曰太后詔曰吾萬乘之主身衣大練

縑裙食不求所甘左右
傍人皆无薰香之飾
外抑宗族 內無忌刻
續漢書云

孝和鄧后性謙慎兄弟中外皆先帝所寵自攝政之後內檢左
右外抑宗族又云順烈梁后立順帝崩冲帝在襁褓太后攝政

初章德寶后嫉害恭懷皇后獨生聖嗣陷以非辜家屬坐徙九
真章德后之從父昆弟章女為貴人與太后並寵章致大位大

鴻臚及上晏駕后登至尊章惶怖太
后內无忌刻之心遂不以舊惡介意
不喜觀游 不存

戲弄 東觀漢記曰明德馬皇后不喜入游觀希常臨御窓望
又魏志曰文昭甄皇后自少長不存戲弄年八歲外

有立騎歲馬老家人諸姊皆上閣觀之后
獨不行諸姊問之荅言豈女人之所觀也
不尚華麗不

好音樂
王沈魏書曰武宣下皇后性儉約不尚華麗无文
繡珠玉又曰文德鄭皇后性儉約不好音樂常慕

明德馬皇后之為
詩
晉曰張華中宮歌詩
先王統大業
人已上皇后才

儀形孚萬邦內訓崇宮闈皇英垂帝則大雅詠三妃含章體柔
順率禮蹈謙祗冬蠶斯弘慈惠樛木逮幽微微音穆清風高義貌

不追貴榮參日
晉成公綏中宮詩
天地不獨立造化由
陰陽乾坤垂覆載日

月舉世仰餘輝
月曜重光理國先家道立教起閨房二妃濟有虞三母翊周王
塗山興大禹有莘佐成湯齊晉霸諸侯皆賴姬與姜閔雖思賢

如此言
安可忘
領
魏曹植母儀頌
殷湯令妃有莘之文仁教
內脩度義以處清謚後宮

九嬪有序伊為
又明賢頌
於鑠姜后光配周宣非義不動
媵臣遂作元輔
非禮不言晏起失朝永巷告愆

王用勤政
曹植姜嫄簡狄譜
帝摯早崩堯承大綱
萬國以虔

玄鳥大跡殷周美祥
又
妻
再妻塗山土功是急惟啓

玄鳥大跡殷周美祥
稷契既生羽化虞唐

又禹妻讚

禹妻塗山土功是急惟啓
之生過門不入矯達明義

勲庸是執成長
聖嗣天祿以襲

晉左貴嬪舜二妃讚

妙矣二妃體應
靈符奉嬪于媯

光此有虞沉相示教靈德
水敷惟斯善美諒无泯乎

梁江淹為建平王慶皇

后正位章

伏承以嘉月蕙時膺曜辰正翬珩照品禴組在
飾休徧函夏譽殷靈昧伏惟光曜靜德式懷謙

順升降圖傳左右詩史夙諳茂資早摛芳訓
衍教紫宸麗軌華屋聲徽綺組風偃家邦

後魏温子昇

魏帝納皇后羣臣上禮章

臣聞軒轅乃神西陵以之
作合夏后至聖塗山於是

來嬪伏惟陛下龍飛纘極大明理運長楸既建陰
教有主景命无窮皇圖長固普天之下莫不欣躍

論宋范

曄皇后紀論

夫以周禮后妃正位宮闈同體天王夫人坐
論婦禮九嬪掌教四德世婦主知喪祭賓客

女御亭于王之燕寢設官分務各有典司女史彤管記功書過
居有保阿之訓動有環珮之響進賢才以輔佐君子哀窈窕而

不淫其色所以能伏宣述陰化脩成內則秦并取天下多自驕
 大官滿七國爵列入品漢興因循而婦制莫隆高祖帷簿不脩
 孝文衽席无辨然選納尚簡飾玩少華自武元之後世增淫費
 至乃掖延三千增級十四及光武中興反彫為朴六宮稱號唯
 皇后貴人又置美人宮人采女三等明帝聿遵先旨宮教頗脩
 登建嬪后必先令德內无出閫之言權尤私溺之授可謂矯其
 弊矣孝章以下漸用色授恩崇好合遂忘淫蠹自古雖主幼時
 親王家多豐委成家宰未有專任婦人斷割重器唯秦羊太后
 始攝政事故穰侯權重於昭王家富於嬴國漢乃其謬知患莫
 改東京皇統屢絕權歸女主外立者四帝臨朝者六后莫不定
 策帷帟委事父兄貪孩童以久其政抑明賢以專其威任重道
 悠利深禍速身犯霧露於雲臺之上家嬰縲繼於圜圻之下湮
 滅連踵傾軛繼路而赴蹈不息焦爛為期終



齊謝眺

敬皇后哀冊文曰

翠帟舒阜玄堂啓扉組撤三獻延卷
 六衣懷錄衛以延首相驚輅而撫心

痛祿塗之先廓哀長信之莫臨身隔兩赴時无二展旋詔左右
 光敷聖善其詞曰帝唐遠胄御龍遙緒在秦作劉在漢開楚肇

光敷聖善其詞曰帝唐遠胄御龍遙緒在秦作劉在漢開楚肇

惟淑聖克柔克令清漢衣靈曾沙膺慶爰定厥祥徽音允穆光
華召止榮曜中谷敬始紘經教先種稜睿問川流神襟蘭郁先
德韜光君道方被于佐求賢在謁無詖顧史弘式陳詩展義厚
下曰仁藏往伊智十亂斯俟四教罔忒思媚諸姑貽我嬪則化
自公宮遠被南國軒曜懷光素舒佇德閔予不祐慈訓早違方
年冲藐懷袖靡依家臻實業身嗣昌暉壽宮寂遠清廟虛歸
遷明命人神胥悅乾景外臨陰儀內缺空悲故劍徒嗟金穴璋
瓚奚獻禕偷罔設馮相告侵宸駕長往貽厥遠圖末命是獎懷
豐沛之綢繆背神京之弘敞陋蒼梧之不從兮遵鮒隅以同壤
陳象設於園寢兮映輿鍤於松楸望承明而不入兮度清洛之
南遊繼地緯之通軌兮接龍帷於造舟迴塘寂其已暮兮東川
澹而不流籍閔宮之遠烈聞續女之遐慶慕方纏於賜衣悲日
隆於撫鏡思寒泉之罔極
託彤管於遺詠嗚呼哀哉

妃嬪第二

叙

周禮天子后立六宮二夫人九嬪

二十七世婦八十一御妻以聽天下之內治以

明章婦順故天下內和而家理

鄭注云六宮者前一宮後五宮也五者后

一宮三天人一宮九嬪一宮二十七世婦一宮八十一御妻一宮凡百二十人后正位宮闈體同天王夫人坐論婦禮九嬪掌

教四德世婦主知喪祭賓客女御序王之燕寢漢因秦制正嫡曰皇后其餘

內職有夫人美人良人八子七子長使少使之

號武帝加婕妤嬪五形娥容華充衣元帝加昭

儀又有官順常無涓共和娛靈寶林良佑夜者

之小職出漢書外戚傳光武中興並省前制正嫡之外

唯立貴人美人綵女之號出范曄後漢書魏武帝因西

漢置夫人昭儀婕妤容華美人文帝增置嬪淑

受各容頂成良人明帝曾叔妃昭華洛倫義出魏

漢置夫人昭儀婕妤好容華美人又帝增置貴嬪淑

媛脩容順成良人明帝增淑妃昭華脩儀出魏志

晉武採漢魏之號以擬周之六宮置貴嬪夫人

貴人是為三夫人淑妃淑媛淑儀脩容脩華脩

儀婕妤好容華充華是為九嬪又置美人才人中

才人以為散職出臧榮緒晉書宋齊之後大抵多依晉制

其間增損因革或小異焉宋書曰孝武帝省管氏夫人脩華脩儀增置貴妃與

貴嬪貴人為三夫人置昭儀昭容昭華以代脩華脩容為九嬪

明帝又省貴人置貴姬以備三夫人增置淑容與古淑媛淑儀

昭華昭儀昭容脩華脩容脩儀為九嬪又增置承徽列榮與古

婕妤好容華充華凡五職班亞九嬪以美人才人良人為散職齊

書云高帝以貴嬪夫人貴人為三夫人脩華脩儀脩容淑妃淑

媛淑儀婕妤好容華充華為九嬪之數梁書云梁氏一遵齊舊陳

二

氏之初亦无改作至文帝以貴嬪貴姬貴妃為三夫人以淑媛
淑儀淑容昭華昭容昭儀脩華脩容脩儀為九嬪以婕妤容華
充華承徽列榮五職亞於九嬪以美人才人良人為散職後魏
書云太武始立昭儀貴人之號孝文立左右昭儀視大司馬三
夫人視三公三嬪視三卿六嬪視六卿世婦視中大夫女御視
元士比齊書曰文宣雖有夫人嬪御之稱未有負數武成依古
制有三夫人九嬪二十七世婦八十一御妻置左右昭儀比丞
相立弘德正德崇德夫人比三公光猷昭訓崇徽上嬪比三卿
宣猷凝輝宣明順華凝華光訓下嬪比六卿世婦比三品御女
比五品亦並採擇嘉名為其題目自外又置才人綵女以為散
號後主又置娥英淑妃之職隋書云高祖依周禮有減其數嬪
三負世婦九負御女三十八負初獨孤后然不設三夫人防其
上逼自嬪已下唯置六十負后崩置貴人三負增嬪至九負世
婦二十七負御女八十一負煬帝置貴妃淑妃德妃為三夫人
順儀順容順華脩儀脩華脩容充儀充容充華為九嬪婕妤十
二負美人才人十五負為世婦寶林二十四負御女二十四負
綵女三十二負為女御總一百二十負
又有承衣刀人皆趨侍左右並無負數



論禮

明順

周禮鄭玄注曰古者三夫人之於后猶三公
之於王坐而論婦禮无宮職矣明順見敘事
禴翟弓鞬

禮記曰王后禕衣夫人禴翟音遙蔡邕月令章句曰仲春之

月玄鳥至之日以太牢祠于高禩高禩祈子之祀也后妃將嬪

御皆會于高禩以祈孕姓乃體天子所御帶以弓鞬天子所御

謂后妃已下至御妾孕姓有萌牙者也鞬弓衣飲以醴酒帶以

弓矢于高禩之前弓矢者男子之事也鞬音獨執具齊敦載筐鉤周禮曰凡

贊玉盥王敦后薦徹豆籩鄭注云玉盥玉敦黍稷之器盥音資

敦音對漢魏故事后親蚕禮皇后著十二筭步搖乘雲母安車

駕六騶馬三夫人九嬪世婦各載筐鉤從皇后蚕于先桑教九御周禮曰九

嬪掌婦學之法以教九御婦德婦言婦容婦功各帥其屬而時

御敘于王所又曰九嬪以婦職之法教九御禮記曰世婦卒蚕

獻繭于夫人夫人受之親繅三盆手朱綠之玄黃餘三星

以為黼黻文章君服之以祀先王先公敬之至也

因八月史記云中宮天極星後有四星其一為正妃餘

三星後宮之屬後漢書曰漢法常因八月筭民

因八月

史記云中宮天極星後有四星其一為正妃餘三星後宮之屬後漢書曰漢法常因八月筭民

遣中大夫與掖庭丞及相工於洛陽鄉中閱視良家童女合法相者載還後宮擇視可否乃用登御取長白

合法相

臧榮緒晉書曰武帝泰始中大採擇公卿子女以充六宮使揚后簡選后妬不取端正妙好唯

取長白令大貌粗舉則取合法相已見因八月注

視卿比侯

銀印璫珮後漢

書曰婕妤視上卿比列侯晉服制曰婕妤銀印青綬佩采璫玉

雀釵

象簾

晉起居注曰有司今月九

日當拜鄭夫人石婕妤案儀注應服雀釵袿襪西京雜記曰武帝以象牙為簾賜李夫人

金環

玉簪

西京雜記曰戚夫人以百鍊金為彊環照見指上骨上惡之以賜伴兒鳴玉耀光等各四枚又曰武帝過李夫人就取玉簪搔

頭自此宮人搔頭皆用玉為之

當熊

辭輦

漢書曰孝元馮昭儀初為婕妤上幸虎圈鬪獸熊逸出圈

攀檻欲上馮婕妤直前當熊而立上問何故婕妤對曰猛獸得人而止妾忍熊至御坐故身當之又曰孝成班婕妤好帝初即位

選入後宮成帝遊後庭嘗欲與婕妤同輦載婕妤辭曰觀占圖畫賢聖之君皆有名臣在側三代末主乃有嬖妾今欲同輦得

无道似乎上... 魏志曰明帝游後園

无近似乎上
善其言而止
宴北園
迎西宮
魏志曰明帝游後園
召才人已上曲宴極

樂明日帝見毛后曰昨宴北園樂乎
明帝以左右洩令所殺十
餘人王隱晉書曰初惠帝晚成武帝
遣才人謝玖給惠帝因是

有娠臨娶妃遣致
昭陽殿
城宮
漢書曰孝成趙
西宮遂生愍懷也
皇后本長安宮

人有女弟復召入為昭儀居昭陽殿
姊弟專寵十餘年卒无子
成帝崩帝素无疾民間歸罪於昭儀
昭儀自殺又曰孝成班婕

妤帝初即位選入後宮俄而大幸為嬪妃居媚成舍
再就飾增城宮有男二並失之一死
陽祿一死柘館
舉酒祝

傳
低頭泣邪
漢書曰孝元傳昭儀哀帝祖母也少為上
宮太后才人元帝進幸有寵改為昭儀為

人有才略善事人主宮人飲酒酌地皆祝願之產一男一女即
定陶恭王史記曰漢武帝時尹夫人邢夫人同時並幸有詔不

得相見尹夫人自請武帝願見邢夫人帝許之即令夫人飾從
御者數十人來前尹夫人見曰非邢夫人帝曰何以知之對曰

視其躡貌形狀不足以當人主於是有詔使邢夫人衣故衣獨
身前尹夫人望見曰真是矣乃低頭俛而泣自痛其不如也諺

日美女入室
惡女仇之

圖甘泉

葬升雲陵

漢書曰孝武帝李夫人兄延年性知音善

歌舞每為新聲延年侍上起舞歌曰北方有佳人絕世而獨立

一顧傾人城再顧傾人國寧不知傾城國佳人不再得帝太息

曰善哉世豈有此人乎平陽主因言延年有女弟上乃召見之

實妙麗善舞由是幸生一男是為昌邑哀王李夫人少而早卒

上憐愍圖画其形於甘泉宮漢武帝故事曰拳夫人從上至甘

泉而卒葬雲陵上哀悼為起通靈臺常有一青鳥集臺上至宣

帝時乃止拳夫人

人即昭帝母

賦漢武帝李夫人賦

美遠娟以脩嫵兮命勦絕而不

長飾新宮以延佇兮泯不歸兮故鄉慄鬱鬱其蕪穢兮處隱幽

而懷傷釋輿馬於山椒兮奄脩夜之不陽秋氣憊以淒淚兮桂

枝落而

漢武帝班婕妤自傷悼賦

承祖考之遺德兮何性命之淑

消亡靈登薄軀於宮闕兮充下陳於後庭蒙聖主之渥惠兮當日月

之盛明揚光烈之翕赫兮奉殊寵於增城既過幸於非位兮切

庶幾乎嘉時每寤寐而太息兮思佩褻以自思陳女圖以鏡鑒

兮顧女史而問詩悲晨婦之作戒兮哀襲闔之為郵美皇英之

方顧史久而問詩悲長婦之作戒士京公與入問之為郵並八皇五典之

女虞兮榮任妙之母周雖愚陋之靡及兮敢舍心而忘茲歷年

歲而悼懼兮閱蕃華之不滋痛陽祿與拓館兮仍襁褓而離災

豈妄人之歎谷兮將天命之不可求奉供養于東宮兮託長信

之末流共灑掃於帷幄兮求終死以為期重曰替玄宮兮幽以

清應門閉兮禁門宿華殿塵兮玉堦苔中庭萋兮綠艸生廣室

陰兮帷幄暗房攏虛兮風泠泠俯翹兮丹墀思君兮履綦仰視

兮雲屋雙護曹植班婕妤讚有德有言實惟班婕盈

涕兮橫流冲其驕窮悅其厭在夷

貞艱在晉正接臨

颯端幹衝霜振葉詔梁武帝立內職詔刑于垂訓周

壺闈失序漢武所以喪邦並被諸方策式昭戒勸魏晉已來雖

云簡薄而內職名號參差不同在宋太始位置繁冗遂設官九

品且擬外朝填委椒掖徵費無已自此相仍踵以成舊昭陽九

華千門萬戶朕受命自天期延七百思所以立防自邇貽厥將

來前代職品所宜因革

外可詳議務令該允章梁沈約為六官拜章蓬

菲質嘉淑无筭越自幽衡登軀宸漢奉日月之華

侍巾徒之末何以廁鴛鴦之盛序眷屬車之清塵隋江總

刀學正卷五

十一

為陳六宮謝章

恭承禮命愧集丹縷之顏拜奉曲私愁
繁翠羽之色魯宮夜大伯媛匪驚楚謝

奔濤貞姜何懼豈期日月騰影風雲駕潤遂復位崇九御聲高
六列象服增華丹駢羅采何以弼佐王風克柔陰化競隍並集

追想流苻之詩荷蘧
相并遂失鳴環之節

箴 晉張華女史箴

芸芸元化兩儀始分散氣

流形既陶既甄在帝庖犧肇經于人爰始夫婦以及君臣家道
以正王猷有倫婦德尚柔含章貞吉婉婉淑慎正位居室樊姬

感莊不食鮮禽衛女矯桓耳忘和音志厲義高二主易心玄熊
攀檻馮媛趨進夫豈无畏知死不悅班女有辭割歡同輦夫豈

无懷防微慮遠人咸知飾其容而莫知飾其性丹之不飾或愆
禮正出其言善千里應之苟違斯義同衾亦疑懼不可以黷寵

不可以專專實生慢愛極
則遷致盈必損理固有然

文 宋謝莊殷貴妃謚冊

文 維年月日皇帝曰咨故淑儀殷氏惟爾含徽挺茂爰光素
里友琴流苻實華紫掖奉軒景以柔明登譽處椒風以婉

變升名幽閑之範日藹層闈繁祉之慶方崇蕃世而當春掩藻
中波滅源朕用震悼傷于厥心松區已翦泉寘將隧宜有旌德

第行式衍聲芳今遣 某官集冊告謚
曰宣寬而有靈尚茲 龍渥嗚呼哀哉

皇太子第三

事

韓詩外傳曰五帝官天下三王

家天下家以傳子官以傳賢故自唐虞已上經
傳無太子稱號夏殷之王雖則傳嗣其文略矣
至周始見文王世子之制白虎通曰何以知天
子之子稱世子春秋傳曰王世子會于首止是
也何以知天子之子稱太子尚書曰太子發升
于舟是也或云諸侯之子稱世子則春秋傳云
晉有太子申生鄭有太子華齊有太子光由是

觀之周制太子世子亦不定也漢制天子稱皇

帝其嫡嗣稱皇太子諸侯王之嫡稱世子後代

咸因之 **立長** 晉起居注曰武帝太始元年有司奏正統立嫡詔曰

統承大業懼未能光祖宗之遺德至於建嗣樹嫡非所務也盧植奏事曰二后无子擇立長親年均以德德均决之以卜筮所以承先

祖也 幼海 少微 山海經曰无臯之山南望幼海郭璞注曰幼海即少海也荆州星占曰少

微星一名處士星 黃離 蒼震 易曰黃離元吉離注曰離南方之卦離為火土託位

儲君副主之宮 焉土色黃火之子喻子有明德能附麗於其父之道 天序 順成其業故吉也又曰震為長子又曰震為蒼琅竹

國貞 漢書成帝詔曰定陶王欣慈仁孝順可以承天序繼祭祀執金吾在宏持節徵欣為皇太子也禮記曰一人元

良萬邦以貞 儲貳 明兩 晉中興書曰安皇帝烈宗長子太子之謂也 也冊為皇太子曰岐嶷表千載

漢書成帝詔曰定陶王欣慈仁孝順可以承天序繼祭祀執金吾在宏持節徵欣為皇太子也禮記曰一人元良萬邦以貞儲貳明兩也冊為皇太子曰岐嶷表千載

誕克廣同乎大成是用命爾以登諸貳易曰明兩作離
大人以繼明照于四方王肅注曰兩離相續明之義也

主器 易曰震雷百里驚遠而懼邇也出可以守宗廟社稷
以為祭祀主禮記曰遠廟為祧又曰主器莫若長子

故受之
洊雷 重洊 易曰洊雷震又曰震為長子崔豹古
以震 今注曰漢明帝為太子樂人作歌詩

四章以贊太子之盛德其四
曰海重潤已上總載太子事 **搖山** **伊水** 山海經曰西海
之外有搖山其

上有人名曰太子長琴顓頊生老童老童生祝融祝融生長琴
列仙傳曰王子晉好吹笙作鳳鳴伊洛之間有道士浮丘伯援

以上 **桂宮** **蘭殿** 漢書曰孝成皇帝元帝太子也初居桂
宮漢武故事曰武帝生荷蘭殿四歲立

為膠東王七歲 **青宮** **玄圃** 東方朔神異經曰東方東明
立為皇太子 山有宮青石為牆面一門門

有銀榜以青石碧鏤題云天地長男之宮潘尼 **龍樓** **雞戟**
詩序七月七日皇太子會於玄圃園有令賤詩

漢書曰孝成皇帝元帝太子也初居桂宮上嘗急召太子出龍
樓門不敢絕馳道西直至城門得絕乃度 **張敞晉東**

宮舊事曰崇福門雞鳴戟十張
博望
宣猷
漢書曰衛皇后生疾太子據上為立博望葬使通賓客潘

尼皇太子集詩曰置酒宣猷庭擊鐘
西池
東閣
徐爰釋問注曰

靈沼濱霑恩洽明兩遭德會陽春
西明內有太子池孫權子和所穿有土山臺晉帝在儲宮所築
故俗呼太子池或曰西池魏文帝集曰為太子時北園及東閣

講堂並賸詩命王粲劉楨阮瑀應瑒等同作
崇賢
求福
陸士衡詩曰在昔蒙嘉運矯迹入崇賢假

翼鳴鳳條濯足升龍泉張敞東宮舊事曰中庶子四人肩帷
侍中若皇太子入宮與中書舍人各一人更日直求福坊
銀

榜
銅扉
銀榜見上青宮注漢書曰孝成皇帝元帝太子也初居桂宮上嘗忽召太子出龍樓門張晏注曰門

樓上有銅龍許慎說文曰扉戶也已上太子居處
赤旄
黃麾
張敞晉東宮舊事曰皇太子初拜有

旄幢一又曰皇太子
鸞旌
象輅
徐廣東宮頌曰禮樂承軒典冊授庭命服惟九龍旗

子鹵簿有黃麾
鸞旌
沈約宋書曰太始三年制太子安車乘象輅
花枕
畫轎
張敞晉東宮舊事曰皇太子有大漆

初銀花鑲鈕自副續漢書曰皇太子同坐
張敞晉東

枕銀花鏤鈕自副續漢書曰皇太子安車朱輪青蓋畫轡文駟五彩

皇太子有銅水羊一枚管自副吳志曰孫登字子高權長子魏

皇初二年立為太子嘗失白盛水金馬覺得主左右所為不忍

致罰建九旗舞六佾張敞晉書東宮舊事曰皇太子

色四馬又曰皇太子大小丹霞刀彩虹劍魏文帝

會庭設三廂樂舞六佾惟建安二十四年二月丙午魏太子丕造刀三其二曰含章彩

以丹霞又曰造百辟寶劍三其二曰流彩虹已上太子章服

夏啓周誦史記曰夏禹東巡狩至于會稽而崩以天下

授益益讓帝禹之子啓啓賢天下屬意焉諸

侯皆去益而歸啓曰吾君帝禹之子又周發漢莊尚書

曰周武王崩太子誦代立是為成王曰文王廢伯邑考立發為太子王曰脩我度遵德紀後恒稱太

子范曄後漢書曰孝明皇帝諱莊光武第四子生而豐下十歲

能通春秋十九年立為皇太子師事博士桓榮學尚書

魏丕晉紹魏志曰文帝諱丕武帝太子也

張敞晉東宮舊事曰

魏文帝

魏文帝太子也

建安十六年為五官中郎將二十二年立為魏太子不自固睿
敏能鎮定大事何法盛晉中興書曰明帝諱紹字道畿中宗踐
祚尊號為皇太子東宮敬禮賢
四術 二善 禮記曰樂正
士昵近明德已上太子 崇四術立四

教順先王詩書禮樂以造士王太子王子羣后之太子卿大夫
元士之適子國之後選皆造焉又曰世子齒於學故父在斯為
子君在斯為臣居子與臣之節所以尊君親親也故學之為父
子焉學之為君臣焉學之為長幼焉行一物而三善皆得唯世

子者 而已 玉裕 余聲 陸士衡侍皇太子宣猷堂詩曰茂德川
沈天容玉裕潘尼皇太子釋奠頌曰尊

道讓齒降心下問鋪 五稱 二至 周書曰靈王太子幼而
以金聲光以玉潤 聰明晉平公使叔譽于

周見太子晉與之言五稱而三窮禮記曰文王之為世子朝於
王李日三雞初鳴而至於寢門外問內豎之御者曰今日安否

何如內豎曰安文王乃喜及日中 漢幄 周寢 范曄後漢
又至亦如之及暮又至亦如之 書曰時天

下墾田多不以實詔下州郡檢覆其事帝見陳留史牘上書云
潁川弘農可問河南南陽不可問帝詰吏抵言於長壽街得之

時明帝為東海公年十一在幄後以言曰吏受郡勅欲以墾田相

時明帝為東海公年十二在幄後以言曰吏受郡勅欲以墾田妨
妨耳帝曰何故言河南南陽不可問對曰河南帝城多近臣南

陽帝鄉多近親田宅踰制不可為寢門馳道寢門見

准詰問如明帝對周寢見三至注寢門馳道至注漢書

孝成皇帝元帝太子也宣帝愛之字曰太孫初居桂宮上嘗忽
召太子出龍樓門不敢絕馳道西至城門得絕乃度上以違問

其故以狀對上大悅乃堂藥省膳禮記曰太子朝夕至

著今令太子得絕馳道禮記曰世子齒於學國人觀之曰

曰今日安否何如若內豎言疾則太子親齊玄冠而勸膳宰之
饌必敬視之疾之藥必親嘗之漢儀曰皇太子五日三至臺因

坐東廂省齒問豎禮記曰世子齒於學國人觀之曰

視膳食將君我而與我齒讓何也曰有父

在則禮然又曰王太子王子羣后之太子鄉大
夫元士之適子凡入學以齒問豎見三至注春誦夏絃

撫軍監國

禮記曰凡學世子學士以時春誦夏絃太師
詔之左傳曰晉侯使太子申生伐東山臯落

氏里克諫曰太子奉冢祀社稷之粢盛以朝夕視君鷹者也故
曰冢子君行則守有守則從從曰撫軍守曰監國古之制也

上並是太子才德

問杜

禮荀

晉中興書曰杜夷字行齊為儒林祭酒皇太子凡三至夷舍執經問

義魏志曰文帝在東京太祖謂曰荀公達人之師表汝當盡禮敬之攸曾病太子問病獨拜於牀下

鄭書

劉

易

漢書曰初元中立皇太子博士鄭寬以尚書授太子續漢書曰劉昆少學施氏易明帝為太子以易入授

卜

賦

溫箴

卜蘭讚太子慙曰切見所作典論及諸賦頌沉思泉涌華藻雲浮聽之忘味奉讀无倦晉中興

書曰溫嶠拜太子中庶子數規諫諷議又獻侍臣箴甚有補益

一踈

四皓

漢書曰地節三年立皇太

子踈廣為太傅兄子受為少傅父子並為師傅朝廷以為榮任位五歲上踈乞骸骨上許之大夫故人祖道東都門外道路觀

者曰賢哉二大夫史記曰高祖欲易太子留侯諫不聽及譙置酒太子侍東園公用里先生綺里季夏黃公從太子年皆入十

餘鬚眉皓白上怪之四入前對各言姓名上大驚曰煩公等卒調護太子

四友

六傅

吳志問孫登字

子高權稱尊號為皇太子銓衡秀士以為賓友諸葛恪為左輔張休為右弼顧譚為輔正陳表為翼正都尉是為四友晉公卿

禮秩曰敗德懷立... 乃置六傅... 始置師友... 賓客

禮秩曰愍懷立官乃置六傅省尚書事始置師友賓客

詹事丞文書關出六傅公子聞時號太子六友漢書曰踈廣字仲翁為太子太傅太子外祖父平恩侯許伯以

太子幼使其弟舜監護太子家上問廣廣曰太子國儲副副君師友必於天下英俊不宜獨親外家又曰衛皇后生戾太子據

及冠就居上為立博望苑使通賓客西京雜記曰文帝為立思賢苑以招端士正人司過虧善王幼在襁褓之中

選天下孝悌博聞有道術者以輔翼之使與太子居處出入故太子目見正事耳聞正言左右前後皆正人也又曰太子既冠

成人免於保傅之嚴則有司過之吏虧膳之宰賦魏下子有過吏必書其過而宰徹其膳已上太子輔翼

蘭贊述太子賦明明太子既睿且聰博聞強記聖思无雙倚倚左右如虎如龍入俊在側傍无

諛凶富不忘施尊而益恭研精書籍留思異同建計立議廓然發朦天下延頸歌頌德音聞之於古見之於今深不可測高不

可尋創法萬詩梁劉孝威奉和太子詩太子天下載垂此休風

邦貞周朝推上嗣漢代慙重明前星涵瑞彩存雷揚遠聲三善
傳樂正百行紀司成九流備已辨七經成所精博聞強子政高
才凌長卿禮尊逾屈已德盛益卑情仙菊胎鍾相儒道推桓榮
延賢博望死視膳長安城園綺隨金輅浮丘侍玉笙智囊前殿
笏端士後垂纓九仙良所重四海
更誰輕班翰同策乘甲館齊蓬瀛
徐陵同江詹事登宮

城南樓詩

元良乘上德幸土被中孚漢幄朝无怠周門夕
復趨桓經既受業賀拜且尊儒壯志諧風雅高

文會斗樞鏗鏘叶舞蹈炤爛等琨瑜溝水慙雄伯漳川仰
大巫鮑魚寧入俎釣鯨匪充厨叔舉恒詞屈防年豈濫誅

總宴樂脩堂應令詩

肅城通甲觀承華啓畫堂北宮
降恩賞西園度羽觴殊私奉玉

裕終宴在金房庭暉連樹彩簷影接雲光仙如伊水駕樂似
洞庭張彈絲命琴瑟吹竹動笙簧庸踈濫應阮衰朽而連章

世南追從鑿壘夕頓戲下詩

重輪依紫極前耀奉冊
霄天經恋宸宸帝命扈

仙鑪乘星開鶴禁帶月下虹橋銀書含曉色金輅輔晨飈霧徹
軒營近塵暗斗城遙蓮花分秀萼竹箭下驚潮撫已慙能幹承

恩集鳳條... 詩大

恩集鳳條搖山盛
風樂抽簡薦從誰
褚亮奉和禁苑餞別應令詩大

初錫瑞出牧邇皇京暫以綠車重言承朱傳榮舒桃臨遠騎重
柳映軍營惠化宣千里威風動百城禁籞芳嘉節神襟餞送情

金徒催別景玉管切離聲野花開立落山鳥哢還驚微臣反多
幸薄宦奉儲明鈞臺慙作賦伊水濫聞笙懷德良知久鼎恩識

命韓王元嘉奉和周太子監守違戀詩
乾象開層

構離明啓少陽卜征從獻告守器屬元良
漢莊好士傾南洛多才盛北場地分丹
虞曉夕宸愛積炎涼珠

璧連霄漢萬物仰重光
薛元超和周太子監守違戀

詩儲禁銅扉啓宸行玉輶遙空懷壽街吏尚隔寢門朝地首
瞻龍戟塵外想鷺鑣飛文映仙榜瀝思叶神飈帝念紆蒼

陸乾文煥紫霄歸塘橫筆海平圃
振詞條欲應重輪曲鏘洋韻九韶
詔梁武帝立昭明

太子詔
朕屬當期運係迹前王所以長代流祚垂之萬葉百
辟咸以元良之寄有國莫先自昔哲后降及近代莫

不立儲樹嫡守器承祧及傍挹羣議遠惟七百建茲蒙雅仰副宗初承華肇開崇宗克承无疆之慶非獨會恩靈滬澤被之

還又立晉安王為太子詔愛无以臨四海所以堯禪非至公无以王天下非博

舜讓惟德是與文王舍伯邑考而立武王格于上下光于四表今岱宗牢落天步艱難淳風猶鬱黎民未自非克明克哲允

文允武豈能荷神器之重嗣龍圖之尊晉安王綱德行內敏威惠外宣羣后歸美率土宅心可立綱為皇太子庶百年勝殘方

流餘慶必世後後魏溫子昇莊帝生皇太子赦仁永固洪業

詔有國三善事属元良本枝百世義鍾繼體朕應天纂命握圖受籙景祚惟新卜年以永令月吉辰皇子誕育彩雲映

日神光照殿方開博望將起表宋謝莊慶太子元服龍樓遠近同懽人神共悅

上至尊表伏惟皇太子殿下明兩承乾元良作貳抗法遷身英華自遠樂以脩中禮以治外三善克茂德

成教尊今日吉辰昭加元服對靈祗之又太子元服上太望儔上庠之歡率天聲世莫不載躍

望儔上庠之歡率天聲世莫不載躍

后表

離景承震樞光陪極位開東華飛英上序樂正歌風饒或頌德清明神鏡温文在躬練日簡辰昭備示服懋至

王之教属少海之重

梁沈約為太子謝初表

臣實蒙雅温文闕不閑三善之訓

未習四學之儀雖問安內豎囚心自發而視膳寢門未任再至乃降皇慈夙膺盛典貳體宸極守器宗祧顧循幼志如臨冰壑

梁簡文帝上昭明太子文集別傳等表

若夫正少陽之

位主承統之則口實為美唯稱啓誦自茲厥後罕或聞焉昭明太子稟仁聖之資縱生知之量孝敬兼極温恭在躬明月西流幼有文章之敏羽箭東序長備元良之德非假二疎寧勞四皓虎賁應其經學智囊慙其調護豈止博望延賓壽春能賦問疑棗據善戎馬陵而已哉玉折高追星橫靡續地尊號嗣外陽之前天故位比周繼繼山之駕不返臣以不肖妄作明兩出入銅龍瞻仰故實思所掄揚盛軌宣記德音謹撰昭明太子別傳文集請備之延閣燕諸廟內永彰茂實式表洪徽

周王

褒為百僚請立太子表

臣聞存雷... 禮明兩作... 重暉之業

是又三善昭德載祀之祚克昌一有元良國有

永固至於

軒轅得姓高陽才子上顯行賢前星虛位

屢當儲貳具僚仰則列辟式瞻臣等參議請立為

箴 周王

哀太子箴

天生丞民司牧斯樹咸熙庶績式昭王度粵若欽明不承寶祚重紐地維再匡天步惠人垂統

元良繼體曩正離暉推微天啓令問今望聞詩聞禮從曰撫軍

守曰監國秋方通夢春宮養德桓榮獻書荀攸觀則元子為士

齒卿命秩昔在周漢親賢保弼朝服寢門迴車作室正陽居位

喬枝父道臣子所崇忠孝為寶勿謂居尊禍福无門勿恃親賢

王道无偏无為有慮始為事先損之又損而全之亦全无往不

復无平不陂美疾甘言鮮不為累則哲惟艱知人未易居室為

善分陰无棄亡保其存危安其位神聽不惑天斯忌

文昌著於前星七曜由於守器庶僚司箴敢告闈寺

太子妃第四

箴

白虎通云妃者匹也妃匹者何

謂也相與偶焉古者天子後宮嫡庶皆曰妃

史記

曰黃帝有四妃帝嘗有
四妃虞舜有二妃

周以天子之正嫡為王后秦稱

皇帝因稱皇后以太子之正嫡稱妃漢因之漢

書外戚傳云太子有妃有良娣有孺子妻妾凡

三等是也魏晉以後咸遵之焉  金璽 瑜

珮 沈約宋書曰皇太子妃金璽龜鈕纁朱綬佩瑜王又張敞晉東宮舊事曰皇太子納妃織成袞帶白玉珮 龍

枕 晉東宮舊事曰皇太子納妃有漆龍頭支髻枕一銀花錄鈕自副又曰皇太子納妃有金塗連

燈 盤鴨 文履 晉東宮舊事曰太子納妃有絳地文履一量又曰皇太子納妃有漆花簾二具

龜鈕 龜鈕事見上金璽注東宮故事 雀鈕 曰太子納妃有同心雀鈕一具 袞帶 綺

綬 袞帶見瑜佩注又曰皇太子納妃有絳地織成綺綬 四望車 陽纂 函 晉

宮舊事曰皇太子納妃四望車羽葆前後部
鼓吹各一部又曰步搖一具九鈿函盛之
新命 策吉

晉起居注曰元帝太興元年上臨軒使冊命拜晉王妃庾為皇
太子妃沈約宋書曰後廢帝仁皇后諱簡珪濟陽考城人北仲

郎長史智深孫女太始五年太宗采訪太子妃而后父祖
已亡弟又弱小門无強蔭以十筮最吉拜為皇太子妃 且京

殿 畫堂 漢書曰元帝為太子司馬良娣死後太子悲患
發病宣帝令皇后擇後宮大家人子可以娛侍

太子王禁女政君預焉時預擇者五人政君獨衣絳緣諸子太
掖衣也使侍送入太子宮見於景殿得御幸有身立為太子妃

於甲觀畫堂生子即成帝 稱萬歲 有五可 漢書曰
也畫堂太子宮中之堂 車騎將

軍許嘉女選配太子下令中常侍親送太子家還白太子歡悅
狀元帝喜謂左右曰酌酒賀我左右皆稱萬歲太子立為太子

即成帝也立妃為皇后王隱晉書曰武帝娶楊后生惠帝初為
太子謀婚久不決上欲娶衛瓘女楊后欲娶賈充女充妻郭酷

姪宿著上曰衛公女有五可賈公女有五不可衛家女種賢而
多子端正而長白賈家女種如而少子醜惡而短黑郭氏使輸

物揚后遂成納... 王隱晉書曰

物揚后遂成納
賈妃後亂晉國

司徒公女

新安主生

王隱晉書曰
劉驥王彌寇

洛得將諸后妃去愍懷太子王姬拔刀向賊曰我司徒公女皇太子妃死則死終不為賊曰

神受太常王獻之女新安公主生即安帝姑也孝武帝以后少孤无兄弟故為安帝納為太子妃孝武納采聘太子王氏百官

朱服會於新安公主第
秘書監王操之為主人



胡元範奉和太子納妃

詩

帝子威儀絕儲妃禮慶優疊鼓陪仙觀疑笳翼畫斬鬱鬱
神香滿奕奕彩雲浮排空列錦罽騰觀益皇州金閨未息

火玉樹鍾天愛月路飾還裝星津動婦佩紫極流宸渥清規佇
慈誨恩波洽九流光輝軼千載列席詔親賢式宴坐神仙聖文

飛聖筆天樂奏鈞天曲池涵瑞景文
宇孕祥煙小臣同百獸率舞悅堯年
裴守真奉和太子

納妃詩

瑜珮升青殿穠華降紫微還如桃李發更似鳳凰飛
金屋貞離象瑤臺起婺微綵纓紛碧座績羽衣

雲路移彤輦天津轉明鏡仙珠照乘婦寶月重輪映壁園嘉宴
合第歡娛盛絲竹揚帝薰簪裾奉宸慶
裴雲藹曙光甚露晞

朝陽天文天景麗睿藻會詞芳玉庭散秋
色銀宮生夕涼大乎超遂古萬壽樂无疆
詔唐太宗冊

蘇亶女為太子妃詔
配德元良必俟邦媛作儷儲貳
允歸冠族秘書丞蘇亶長女門

襲軒冕家傳義方柔順表質幽閑成性訓彰國史譽流邦國
正位儲闈是惟朝典可皇太子妃所司備禮冊命主者施行
冊

冊唐太宗冊太子妃文
惟爾秘書丞蘇亶長女族茂冠
冕慶成禮訓貞順自然言容有

則作合春宮寔協三善曰嬪守器武昌萬葉備茲令典抑惟
國章是用命示為皇太子妃惟欽哉其光膺命可不慎歟
宋

謝莊太子妃哀冊文
楹凝桂奠庭肅龍輶風沉國路雲
起郊門皇帝傷總綵之掩綵悼副

禕之滅華行光既晏長河又斜顧而言曰瑛瑤有毀郁烈无湮
翦素裁簡授之史臣其詞曰霍岫虧天瀟流凝漢祥發桐珪慶

昭金筭毓景帝里飛芳戚聞祕議施谷升音集灌月畧幾望
袂惟良釋幃春宮承籬少陽五葉衍藻四訓抽光蕙蕤蕙纓婉

變瓊相清徽就遠浸沴傳方臨華罷翠當擘收蘭複殿生響長
廊結寒節移虛饋氣變容衣中庭草藹階上螢飛傷紫里第痛

濫朝
闡

王第五

事叙

易稱先王建萬國親諸侯史記云黃

帝置左右大監以監萬國堯典云協和萬邦左
傳云禹會諸侯於塗山執玉帛者萬國萬國之
數蓋親賢兼封夏列九州制五服立爵五等分
地有三公侯方百里伯方七十里子男五十里
不足五十里曰附庸殷則爵列三等周又列爲
五等則公方五百里侯伯子男各百里爲差不
滿百里爲附庸凡王之子弟並叅封之秦稱皇

帝除五等之制以郡縣子弟為匹夫漢興立爵

二等大者王小者侯而王之號謂為諸侯王蔡邕

獨斷曰漢制皇子封為王其實諸侯也周末諸侯或稱王而漢自以皇帝為稱故以王號加諸侯摠名諸侯王後漢

建武初朱祐議以為土無二王臣爵皆不過公

於是悉封郡公十七年又依舊稱王魏改封郡

王晉又封國宋齊以後皆封郡隋復封國公上已

並見齊職儀及五代史志

麟趾 犬牙 毛詩曰麟之趾振振公子于嗟麟兮注云趾足

也麟信而應禮以足至者振振信厚也吁嗟歎辭也漢書曰高帝王子弟犬牙相制所謂磐石之固 磐石 維

城 磐石見犬牙注毛詩曰懷德維寧宗子維城 藩屏皇家 維翰帝室

魏書曰植初封冊書曰爰茲青社封于東土以藩屏皇

魏志曹植傳曰植初封冊書曰爰茲青社封于東土以藩屏皇家為魏藩輔皆百官表注云封皇子及公族親屬為王所以維

翰帝室詩云

大邦維翰

燾土苴茅

金璽駝鈕

蔡邕獨斷云天子太社以五色

土為壇漢制皇太子封為王者受天子太社之土以所封之方

色東方受青土他如其方色藉以白茅授之歸國以立社故謂

之茅土孔安國注尚書曰王者封五色土為社則各割方色土

與之使立社燾以黃上苴以白茅茅取其潔黃取王者覆被四

方漢書舊儀云諸侯王黃金

一南

兩東

毛詩序曰周南召南正始之道

王化之本潘岳西征賦曰我祖安陽言陟陝郭美哉邈乎茲土

之舊也固乃周召職之所分二南風之所交麟趾信於閔睢方

騶虞應乎鵠巢東觀漢記曰東平獻王蒼少有孝友之賢寬仁

弘雅中元一年光武帝崩明帝詔曰東平王蒼寬博有謀可以

託六尺之孤臨大節而不可奪其以蒼為驃

魯衛

梁楚

騎將軍魏志曰臨菑侯善屬文徙封東阿王

左傳曰管蔡邲霍魯衛毛聃郇雍曹滕畢原豐郇文之昭也漢書曰漢興之初海內新定同姓寡少於是割裂疆土立二等爵

尊王子弟大啓九國
奄有龜蒙為梁楚也

晉曰桐葉

衛梓材

史記曰唐叔虞者成王弟

成王與叔虞戲削桐葉為珪以封叔虞史佚因言請擇日立叔虞成王曰與之戲耳史佚曰天子无戲言於是遂封叔虞於唐

後為晉故毛詩曰此晉也而謂之唐又曰衛康叔名封周武王同母弟也封為衛君居河淇間周公懼康叔齒少乃申告康叔

作梓材篇言為政之道如梓人理材焉已上載所封國

共室

同輦

范曄後漢書曰清河王慶傳云

帝初勅皇后令衣服與太子齊等太子時親愛入則共室出則同輦漢書曰淮南厲王長高帝少子孝文帝初即位自以最親

驕蹇教不奉法上寬赦之三年入朝甚縱橫從上入苑獵與上同輦

入宿北宮

因留國邸

東觀漢記曰清河王慶傳云永元四年移幸北宮章德殿講白虎觀慶得入省宿止漢書宣元六年傳曰成帝无嗣體常不平

定陶共王來朝上謂共王曰我未有子人命不諱一朝有他禮且不復相見爾長留侍我矣因留國邸朝夕侍上甚見親重

如家人

爵比皇子

漢書曰齊悼惠王孝惠二年入朝帝與齊王宴飲太后前孝皇以齊

王為兄置上坐如家人禮又楚元王交高帝弟自文

王為兄置上坐如家人禮又楚元王交高帝弟自文帝即位交學詩內事文帝尊寵元王子爵比皇子

御雲母

輦

設鐘虞懸

傅暢晉公卿禮秩曰安平王字假黃鉞前後羽葆建九旒駕駟馬御雲母輦東

觀漢記曰東海王疆侍食五郡二十九縣租入倍諸王賞賜恩寵絕於倫比置虎賁髦頭宮殿鐘虞之懸也上並王之親寵也

好書

樂善

漢書曰淮南王安為人好書善鼓琴不喜弋獵又云河間獻王德脩學好古從人得善書

必好寫與之留其本兼加賜金以招之東觀漢記曰東平獻王蒼少有孝友之賢寬仁弘雅美鬚鬢明帝嘗從容問王在家為人何好最樂蒼

曰唯善最樂

楚詩

沛易

漢書曰楚元王交字游高祖同父少弟也好書多材藝

元王好讀詩諸子皆讀詩號曰元王詩續漢書曰沛獻王輔性務嚴矜有威好經書善說京氏易

蟻封象

船

東觀漢記曰沛獻王輔善京氏易永平五年少雨上御靈臺自卦以周易林占之其繇曰蟻封穴戶大雨將至上問

輔輔曰寒艮下坎上為水山出雲雨蟻穴居其知雨將至魏志曰鄧哀王蒼舒少聰察岐嶷孫權曾致巨象太祖欲知其斤兩

蒼舒曰置象大船之中而刻其所至秤物以載之則其重可知矣

食時 七步

漢書曰淮南王安始

入朝為離騷傳朝受詔食時上劉義慶世說曰魏文帝令東阿王七步成詩不成將行去法遂作詩曰煮豆燃豆其豆在釜中

泣本是同根生相煎何太急文帝大有慚色

對三雍

論五經

漢書曰河間獻王景

帝子修學好古武帝時獻王來朝獻雅樂對三雍之宮應劭注曰辟雍明堂靈臺也東觀漢記曰沛獻王輔性好經書論集經

傳圖識作五經通論奉蕃以至沒

北海善書 東平工

遵履法度未嘗犯禁稱為賢王 范曄後漢書曰北海敬王睦善大書當時以為楷則寢疾

中興頌帝 甚美之

錢縑助國

租稅賑人

東觀漢記曰東海王疆孫傾王肅性

謙險永初中以西羗未平上錢二千萬元初中上縑萬疋以助國王隱晉書曰齊王攸國中文武下至士卒法令不食廩賜者

皆以秩賦與疾病死亡者時有水旱出租稅加十二

曲觀

賦以賑國人須豐年乃收入本直已上王之才能

曹植娛賓賦曰... 漢書曰淮南王安始

平臺

曹植娛賓賦曰感夏日之炎景兮游曲觀之清涼漢書曰梁孝王廣睢陽城七十里大修宮室為複道自宮連

屬於平臺四十餘里

蘭坂

桂山

曹植詩曰明月澄清景列宿正參差秋蘭被長坂朱華冒淥池王逸

劉安招隱士詩序曰招隱士者淮南王之所作也昔淮南王博雅好古拓攘天下俊偉之士入公之徒感慕其德而歸其仁各

竭才智著作篇章分造詞賦以類相從故或稱小山或稱大山其義猶詩有小雅大雅詞曰桂樹叢生兮山之幽偃蹇連拳兮

枝相

援巖

鴈沼

京雜記曰梁孝王好宮室苑囿之樂作曜華之宮營兔園園中有百室山山

上有落援崇鴈池池間有鵝洲鳥者廣雅云沼池也

檀藥竹

連拳桂

枚乘兔園賦曰

脩竹檀藥夾地兔園梁孝王園也連拳桂見桂山

玳瑁筵

琉璃盃

劉楨瓜瓞序曰

在曹植座厨人進瓜植人為賦促立成其辭曰布象牙之席薰玳瑁之筵憑彤玉之几

南土好長生服食鍊氣吐納仙經琉璃藥盃牙作盤金鼎玉合神丹

宴平樂

望高唐

曹植詩曰聞雞東郊道士馬長秋間觀者咸稱善衆士歸我賢
歸來宴平樂美酒斗十千宋王高唐盛曰昔者楚襄王遊於雲

夢之臺望高唐之觀已上王之居處忘直發觀思仙臺西京雜記曰梁
孝王遊於忘憂

觀集諸游士各使為賦其高洪神仙傳曰淮南王劉安
好神仙黃白之事於是八公乃往迎之登思仙臺置館

築宮

西京雜記曰河間王德築日華宮置客館二十餘區以
待學士史記曰世無昭王即位卑身厚禮以招賢者謂郭

隗曰誠得賢士與其報無主之耻孤之願也隗曰王必欲求士
請以隗為始况賢於隗者豈遠千里哉於是昭王為隗版築宮

而師事之康衢碣石史記曰鄒奭齊諸鄒亦頗採鄒衍
士爭趨燕之術以紀文於是齊王嘉之自淳

子覺以下皆命曰列文大為開第康莊之衢天下言齊能致
天下賢士也又曰鄒衍如燕燕王築碣石宮身親往師之賜

田置醴

宋玉小言賦曰楚襄王既登陽雲之臺命諸大天
景差唐勒宋玉等並造大言賦卒而宋玉受賞又

作小言賦王曰善賜雲夢之田漢書曰初元王敬禮申公白公
穆生等穆生不嗜酒元一土每置酒常為穆生設醴及王戊即位

設醴後忘設醴馬穆生不嗜酒元一土每置酒常為穆生設醴及王戊即位

亦設體後忘設焉穆
生退曰可以逝矣
娛賓 敬客
娛賓見曲禮注又曹植詩云公子敬愛客終宴

不知疲清夜遊西
園飛蓋相追隨
唐宋 應劉
宋玉大言賦曰楚襄王與唐勒景差宋玉遊於陽雲

之臺王曰能為大言者上坐魏志曰應瑒劉楨等俱為五官中
郎將文學咸善屬詩賦後瑒楨等卒文帝與吳質書曰昔年疾

疫親故多罹其災徐
陳應劉一時俱逝
遊梁 趨燕
漢書曰司馬相如會景帝不悅文士齊人鄒陽

淮陰枚乘吳嚴忌夫之術相如見而悅之因病免客遊梁
得與諸侯遊士居數歲乃著子虛賦史記曰燕昭王即位卑身

厚禮以招賢士而師事郭隗於是樂毅自魏
往鄒衍自齊往劇辛自趙往是以士爭趨燕
先擁篲一不

及履
史記曰鄒衍如燕昭王擁篲先驅請列弟子之坐而受業碣石宮身親往師之葛洪神仙傳曰淮南王劉安好

儒學兼該古侯方術作內書言神仙黃白之事名為鴻寶於是
八公乃往八公初詣門鬢眉皓素門吏先宓以聞安門吏自以

意難問之言畢八公皆化成十五童子雲髻色如桃花於是
門吏驚竦以白王王聞之不及履即出迎之以登思仙之臺
曳

長裾 飛廣袖

鄒陽上吳王書曰臣聞蛟龍驤首奮翼則浮雲出流霧雨咸集聖人砥節洛德

則游談之士歸義思名今臣盡智畢議易精極慮則无國而不可于飾固陋之心則何王之門不可曳長裾乎西京雜記曰梁孝王游忘憂之觀集諸遊士各使為賤鄒陽為酒賤曰哲王臨國綽矣多暇召皤皤之臣取蕭條之賓錦綺為席犀璠為鎮曳長裾飛廣袖奮長纓之士莞爾而即之已上王之好士

賦

魏夏侯玄皇胤賦覽

儀之上體本人倫之大紀道莫崇於后辟統莫大於承祀伊皇衢之光赫享乾坤之元祉在太和之五載肇皇胤之盛始時惟孟秋和氣淑清良辰既啓皇子誕生爾乃發愷悌之明詔振湛恩之豐沛末惠洽乎黎民崇施暢於无外爵羣非以布德赦殊死以示仁黔首詠而齊樂願皇祚之日新

詩

梁劉孝義行過康王故第

苑詩

入梁逢故苑度薛見餘宮尚識招賢閣猶懷愛士風光靈一起速衡館亦蒙籠洞門餘舊邑甘棠留故葉送禽

悲不去過客慕難窮池竹徒如在林堂暖已空遠橋隔樹出迫澗隱崖通芳流小山桂塵起大王風具物咸如此是地感余衷

隋薛昉巢王座韻得餘詩

平臺愛賓友逢掖齒簪履藉卉懷春暮開襟近夏初

嫩枝猶露鳥細藻欲藏魚舞袖臨飛閣歌聲出綺疏莫慮歸衢晚馳輪待與餘

隋于仲文答譙

王詩

梧臺開廣宴竹苑列英賢景差方入楚樂毅始遊燕折角揮談柄重席吐言泉武騎初擒翰文學正題鞭玉徽

調絳綺壁散沉青田晚霞澹遠岫落景藻長川未陪東閣賞獨詠西園篇

褚亮和望月應魏

王教詩

層軒登皎月流照滿中天色共梁珠遠光隨趙璧圓落影臨秋扇虛輪入夜仙所放東館裏預奉西園篇

李敬玄奉和別魯曾王詩

綠車旋楚服丹躡行秦川珠臯轉歸騎金岸引行旛一朝

限原隰千里間風煙鷲喧上林谷鳧響御溝前斷雲移魯蓋離歌動舜弦別念凝神宸崇恩洽珉延願惟慙吁寂徒自仰鈞天

又奉和別越王詩

飛蓋迴蘭坂宸襟佇柏梁別館分涇渭歸路指衡漳關山通曙色林蘂編

春光帝念紆千里詞波照五潢楊思玄奉和別魯曾王詩

元王詩傳博文后寵靈復

鶴蓋動宸眷龍章送遠遊
雨關疎別道灞岸引行舟
比林分苑樹東流溢御溝
鳥聲含羽碎騎影曳花浮
聖澤九垓普天文七

耀周方徒獻雅張大安奉和別越王詩盛藩資右戚連夢重皇情

離襟愴唯苑分途指數城麗日開芳甸劉禕之奉和別

越王詩周屏絳金殿梁驂整玉珂管聲依折柳琴韻動流波

頌魏陳王曹植皇子生頌於皇我后懿章前志克纂三皇王靈昭事祗肅

郊廟明德敬忌潛和積石鍾天之釐嘉月令辰篤生聖嗣慶由

一人萬國作喜喁喁萬國岌岌羣生稟命我后綏之則榮長為

臣妾終天之經仁聖奕代永戴明明同冊唐太宗冊梁

州都督漢王元昌曰夫易陳利建道貫三才傳稱夾輔業昌百代是以周之魯衛式固維

城漢之梁趙克崇磐石惟爾幼聞教義器識聰敏早開土宇禮

數優崇過矣南鄭襟帶西蜀按部之重茂親是用錫以茅上禮

效曲冊爰茲言山河永作蕃屏朕聞曰事君盡禮資於孝敬為政

茲典冊爰誓山河永作蕃屏朕聞曰事君盡禮資於孝敬為政以德始於仁厚才故士无貴賤由之者揚名時无古今背之者必行爾往欽哉去奢從儉遠佞尊賢克勤匪懈垂憲心乃後可不慎與

又冊荊州都督荆王

元景曰

夫建官之道寔資明德列爵之義必俟茂親故晉鄭忠肅器懷恭誠幼稟庭訓早膺朝寵仁恕聞於封畿廉平著於方策荆衡作結吳江漢為紀包括巴漢之域跨躡吳越之郊褰帷永諧分珪僉屬是用備茲令典錫以休命奄有楚甸代為唐輔可不慎與

奏陳尚書八座奏

封鄱陽王伯山曰

臣聞本枝惟茂宗周之業以弘磐石既建皇漢之圖斯遠故能協宣五運

規範百王式因靈根克昌不緒第三皇子伯山發睿德於齡年表竒姿於此日光昭丹掖輝映青闈而玉圭未執金錫靡駕豈所以敦序維翰建樹蕃戚臣等參議宜封鄱陽王

奏梁沈約為南郡王讓中

軍表

臣聞建侯茂則非賢罔樹分器為典惟懿寔先而巨挹道未弘踐義多缺徒升國彞空襲宸寵光珪華組瞻葛

於閔垂令采徽猷寂寥於旬表晨伸委帶夕軫臨顏皇衢肇啓
鼎運始資魯衛兼啓義邈周年齊楚並建禮高漢日臣以宗第

聯輝上序祐履荆阿懷璽
夢曲拊志惟熏佩握如擣
梁劉孝綽為鄱陽嗣王初

讓雍州表
臣聞大邦維屏既勳宗子之詩思樂類宮有缺
僖公之頌特以周聞九伯錫壤參虛漢啓二番

分珪舊楚身私家慶總集微躬雍部襟帶跨制數州西拒峽關
北跨鄧塞雖復呼韓來朝稟街納質二虜尋戈四郊元警猶當

王戎雅識羊祐尚義臣退求諸已
无或宴安進思盡忠幾乎私竭
梁沈約為晉日安

王謝南兖州章
臣以萊孱幼无秀業依天宅照藉海憑
闕王爵早加藩麾夙樹進不能閑詩西

楚好禮北河退无以振采六條宣風萬里懷慙起懼載溢心顏
而皇明輝燭照被彌遠遂乃徙旆淮區遷金濟服朱驂出邸青

組臨方瞻惟徵
寵俯仰忘厝
又為安陸王謝荊州章
臣託景宸區
早延休寵身

班帝穆爵首蕃珪好禮慙河敦詩愧楚懸旆出閔徒違絳闕擬
金入濟識謝戎麾而照臨彌廣復叨匪服紀南形勝任總上游

西緯岷卍比繼嶠岷六轡在手猶或稱難羣牧稟威茲道孰易
是以攄清陸白布款幄垂霄塗嚴遠事隔披照腆冒斯顏膺此
謬荷祗奉兢
據罔知攸託

公主第六

駁

昔堯女有娥皇女英舜妹有敷手

敷音欺
禍反

舜女有宵明燭光湯有帝乙歸妹

即成
湯妹

周武王之女嫁于陳故公主未有封邑之號至

周中葉天子嫁女于諸侯天子至尊不自主婚

必使諸侯同姓者主之始謂之公主秦代因之

亦曰公主史記云李斯男皆尚秦公主是也漢

制帝女爲公主帝姊妹爲長公主帝姑爲大長

公主後漢制皇女皆封縣公主儀服同蕃王莫

尊崇者加號長公主諸王女皆封鄉亭公主儀

服同鄉亭侯范曄後漢書曰章帝封東平憲王蒼琅邪孝王京女為縣公主其後安帝妹亦封長公主

同於皇女封縣公主者所生之子襲母封為列侯後皆傳國鄉亭之封則不傳自晉之後帝女

依西漢曰公主帝之姊妹並曰長公主自漢已

來皆別置第舍府屬至隋省府屬並見齊職儀及晉代百官志

唐神龍初又置府屬景龍末復省歸妹

降嬪應劭風俗通曰易稱帝乙歸妹以祉元吉婦人謂嫁娶之禮曰婦其妹於諸侯亭終吉也尚書曰釐降二

女于媯納嬪于虢注云降下也嬪婦也沈約宋書曰江教尚孝武帝女表讓婚曰伏承詔旨當以臨海公主降嬪榮出望表恩

加典

節義 蕭雍

范曄後漢書曰鄧晨初娶光武姊元及漢兵起晨將會賓客棘陽漢兵敗姊亡

外 光武即位封晨少子侯帝感博姊歿於亂追封謚元為新野節義長公主立廟於縣西詩云曷不肅雍王姬之車謂平王之女

嫁齊侯也

金根

銅縷

魏收後魏書曰金根車公主封君皆得乘之但右駟而已續漢書曰印璽綬正

公玉匣銀綫夫人 貴人長公主銅綬

賜金

獻珠

漢書曰孝武衛皇后字子夫為平陽公主善謳者武

帝即位數年无子過平陽公主既飲謳者進帝獨悅子夫帝起更衣子夫侍尚衣軒中得幸還坐悅甚賜平陽公主金千斤列

仙傳曰朱仲會籍市販珠人高后募三寸珠乃詣闕上之珠好過度賜五百金高后元公主私以七白金從仲求珠獻四寸之珠

常山

沁水

魏收後魏書曰陸昕之風望端雅尚獻帝女常山公主拜駙馬都尉公主奉姑有孝稱神

龜初與穆氏琅邪長公主並為女侍中范曄後漢書曰竇憲字伯度女弟立為皇后憲侍宮掖聲勢遂以縣直請奪沁水公主

金鄉

蘭陵

魏末傳曰何晏婦金鄉公主即晏同母妹公主賢明謂其母沛王太妃曰晏為惡日

甚將不保身母笈曰汝得无妬晏耶魏收後魏書
曰劉暉字重昌正始初尚蘭陵長公主孝明第爵

海 魚豢魏略曰東將初之植到閔自念有過且當謝帝乃留
其從官著明因東將初使人微行宜見清河公主欲因主以

謝而閔吏以聞帝使人逆之不用太后以為自殺對帝泣晉中
興書曰臨海公主惠帝女辛后所生初封清河公主未出適值

永嘉 **鄂邑** **襄城** 漢書曰昭帝始立年八歲帝長姊鄂邑
蓋長公主居禁中共養帝蓋公主私通

客河 閔丁外八上與大將軍聞之不絕有詔外人侍長主晉
中興書曰王敦守丁處仲尚武帝女襄城公主天下大亂敦將還

臺悉以主嫁時付婢百餘人 **同姓主** **列侯尚** 同姓
配給將士金寶一時棄指

叙事應劭風俗通曰列侯尚公主國 **妻單于** **娉曰比莫**
人尚翁主以妻刺夫陽屈於陰爾

漢書曰單于兵強數苦北邊上問婁敬曰陛下誠能以嫡公主
妻單于厚奉遺之人彼知漢女送厚蠻夷必慕以為閔氏生子必

為太子豈曾聞外孫敢與大父抗禮哉又曰烏孫以馬千疋娉
漢女元封中遣江都王建女細君為公主以妻焉贈送甚厚烏

昆吳以... 左九嶺上萬年公主

孫昆莫以
為右夫人
出紫微
加綠綬
左九嬪上萬年公主
日篤生公主誕應休期

秀出紫微日輝月朗滅榮緒晉書曰
帝之姑姊妹皆為長公主加綠綬
為子求郎
為子

贖罪
後漢書曰館陶公主為子求郎明帝不許而賜錢千萬
謂羣臣曰宮上應列宿出宰百里非其人民受其殃

是以難之漢書曰林慮公主子昭平君尚武帝女夷安公主林
慮困病以金千斤錢千萬為昭平君贖死罪帝許之林慮公主

卒昭平曰驕醉殺主傳母繫獄廷尉上請左右為前入贖陛下
許之帝曰吾姊老矣是一子死以囑我於長為之垂涕良久曰

法令先帝所造因姊故而誣先帝之
法吾何面目入高廟乎遂可其奏
董宣扣馬
高穆

破車
范曄後漢書曰董宣為洛陽令時胡陽公主蒼頭白日
殺人因匿主家吏不能得及主出行而以奴驂乘宣於

夏門亭候之乃駐車扣馬以刀畫地大言殺主之失叱奴下車
因捨殺之魏收後魏書曰高道穆為御史尉莊帝姊壽陽公主

行犯清路執赤捧卒呵之不止穆令捧破其車公主深以為恨
泣以訴帝帝謂主曰高中尉清貞之人彼所行者公事豈可以

私責
下天孫之津 降帝子之渚 史記天宮書曰琴女織女天女孫也

楚辭云帝子降兮北渚日眇眇兮愁予王逸注云帝子堯子也
李嶠長寧公主上東

莊侍宴詩 別業臨青甸鳴鳶降紫霄長筵駕鷺集仙管鳳凰調樹接南山近煙含北渚遙承恩咸以醉恋

賞未還鑣 崔湜長寧公主上東莊侍宴詩 沁園東郭外袁駕一遊盤水榭

宣時涉山樓尚晚看席臨大女貴林 李適長寧公主上東

莊侍宴詩 鳳樓紆睿幸龍舸暢宸襟歌舞平陽第園亭沁水林山花添聖酒澗竹繞薰琴願奉瑤池駕千

春侍德音 李義長寧公主上東莊侍宴詩 紫禁乘雷動青門訪水嬉上台

鱣字慶仙女鳳樓期合宴簪紳滿承 又奉和幸長寧公

恩雨露滋比辰還捧日東館幸逢時 平陽館外有仙家沁水園中好華地出東郊迴日

士二 詩 馭城臨南斗度雲中風泉韻繞幽林竹雨霰光搖雜

樹花已慶時來千億
壽還言日暮九重賒
徐彥伯奉和送金城公主詩
鳳

伶簫曲寫閨念掌珍
羗庭遥築館廟策重
和親星
轉天河夕花移海樹
春聖情悽送遠留蹕
望行塵
閻朝隱奉

和送金城公主詩
甥舅重親地君臣厚義鄉還將貴公主嫁與禰檀王鹵簿山川闊琵琶道

路長迴瞻父母
國日出在東方
魏陳王曹植平原懿公主誄
曰

於維懿主瑛瑾其質協策應期含英秀出岐嶷之姿實朗實一
在生十旬察人識物儀同聖表聲協音律驥眉識往俛矐知來

求顏必笑和音即孩阿保接手侍御充傍常在極祿不停第床
專夢一宮取玩聖皇何圖奄忽惟天之歿魂神遷移精爽翱翔

號之不應聽之莫聆帝用吁嗟嗚咽失聲嗚呼哀哉伶爾早歿
不逮光陰改封大郡惟帝舊疆建土開家邑移蕃王琨珮惟鮮

朱紱斯煌國號既崇哀爾孤獨配爾名才華宗貴族爵以列侯
銀艾優渥成禮于宮靈輻交轂生雖異室歿乃同岳爰構玄宮

玉石交連朱房皓壁嗚曜電鮮長埏繕修神閨
啓扉二柩並降雙窹孰依人誰不沒伶爾尚微
晉潘岳

陽長公主誅曰

於穆獻生奕代配盛重作大司黎牧火正國之仁姑家之慈母天道輔仁宜享遐壽

如何短命曾不華首

駙馬第七

叙

漢制天子以列侯尚公主諸侯以

國人承翁主

崔浩義云尚承皆卑下之名也公主別立第舍太子之女則令列侯就第奉事之故尚公

主諸王女則當國人來承事之皆不得謁見舅姑通問而已天子尊令諸公代主婚故曰公主諸王卑則自主之故曰翁主後漢皇女為縣公主諸王女為鄉亭公主晉已後王女為縣主 魏晉之後尚公主皆拜

駙馬都尉初駙馬都尉漢武置也掌御馬

說文云駙

馬字從馬付聲一曰駙近也疾也應劭曰自上安下曰尉都謂總領

歷兩漢多宗室及外

戚與諸公子孫任之至魏何晏大將軍何進孫

以主塔拜駙馬都尉其後杜預尚晉宣帝女直

陸公主拜駙馬都尉王濟尚晉文帝女常山公

主拜駙馬都尉後代因魏晉以為恒每尚公主

則拜駙馬都尉出漢書及齊職儀又晉書傳宜向晉武帝

姜尚元帝潯陽公主劉慎尚晉明帝女廬陵公主皆拜駙馬都尉
名才 **貴族**名

見下江學表曹植平原公主諱曰配尔
天姻 **國婚**天姻

江學表荀羨字令則年十五擬國婚之選羨不欲連姻帝室
乃遠遁長沙監司追尋不獲已遂尚潯陽公主出荀氏家傳

同輿 **連日**
魏收後魏書曰馮誕字子正與高祖同歲幼
侍書李待蒙親待尚高祖妹樂安公主拜駙

為都尉高祖寵詠同輿而載同按而食同席而坐卧謝萬驎為
都尉劉真長諫曰弱冠振纆結婚帝室綢繆姻婭連光妻曰

降鶴

賜駿

劉向列仙傳曰蕭史善吹簫能招白鶴教焉

玉鳳為居數十年

吹簫竹鳳聲鳳凰

來止其

也後魏書曰宿石元明帝時拜中壘將軍嘗從獵帝親欲射

石扣馬諫引帝上高原上後虎騰躍殺人詔石為忠臣

石扣馬諫引帝上高原上後虎騰躍殺人詔石為忠臣

切諫免虎之害賜馬一疋尚上谷公主拜駙馬都尉

吹簫

魚豢魏略曰向晏字平叔美姿儀面絕白魏帝疑其傅粉後至夏月喚來而與執湯餅大汗出遂以朱衣

自拭色轉皎然帝始信

一主回家

三尚異穴

范曄

書曰竇融長子穆尚內黃公主又子固尚溫陽公主竇氏一公

兩侯二公主後魏書曰劉昶尚武邑公主主薨更尚建興公主

又薨更尚平陽長公主及楊喬閉口宋弘不諧

後漢書曰楊喬為尚書容儀偉麗敷上書言政事恒帝愛其才貌詔妻以公主喬固讓不聽遂閉口不食七日而死范曄後漢書曰

光武嫡湖陽公主新寡帝共論朝臣微觀其意至曰宋公威容德器羣臣莫及帝曰方且圖之後弘被引見帝令坐屏風後因

謂弘曰諺云富易交貴易妻
情乎弘曰臣聞貧賤之
交不可忘糟糠之妻不下堂
顧謂主曰事不諧矣

中宗賜駙馬封制
門下特進行右散騎常侍駙馬都尉
觀田四公楊慎交分榮戚里藉寵公門

恭肅著於立身恪勤効於從
以鳳凰樓上宛符琴瑟
之歡鳥鵲橋前載叶松蘿之劫
大宜覃茅土式廣山河

通之為江敷讓尚公士表
伏承詔旨當以臨海公主
降嬪榮出望表恩如典外

顧審輒蔽伏用憂惶臣寒門
族入凡質陋聞闔有對本隔天
姻如臣素流家貧業寡年近
將冠皆已育室荆欵布裙足
得成

禮自晉氏已來配尚公主者
雖累經華胄函有才名至如
王敦
儼氣桓溫斂威真長伴愚以
固辭子敬奔走以求免王偃
无仲

都之質而裸雪於此階何瑀
問龍工之姿而見投於深井
謝莊
迨自害於朦腹殷仲幾不免
於強鈕制勒甚於僕翫防
謝過於

婢妾往來出入人理之常
當待賓客朋從之義而令掃
轍息駕
无境門之期廢筵抽席絕
接對之理非唯交友離異
仍乃兄弟


此師姆姊爭婚相勸以
惡婚媼競前相諂以急其
間又有應答
問訊小筮師母乃至殘
餘餘食詰辨与誰衣被
故弊必責顯領



或進不獲前或入不聽出不入則嫌於欲疎求出則疑有別意
召必以三更為期遣必以日出為限夕不見晚晚詭朝不識曙星
至於夜步月下弄琴畫掛袂而披卷一生之內與此長辛又廣
影才聞少婢本進裙袂向席則醜老聚來左右整刷以疑寵見
嫌寔容未冠以少容致斥為臣門分代荷殊榮足定定擊便便
提拂青宮美官或出才升一切婚戚咸成恩假是以仰冒非宜
披露丹質非唯上陳一已規全身願寔乃廣中諸門受惠之切
伏願大慈照察特賜蠲停若恩制頓降披請不申便當刊膚剪
髮投山窟
海云云

初學記卷第十

初學記卷第十一



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY